






24914

I









B.C.

0.317.

EQVITIS LITVANI

D E

BELLO LIVONICO.

per Decennium gesto.



VILNÆ,  
Apud Ioannem Karcanum.  
Anno 1610.



41044 v r e 17

10

4111

U

W

100



se

24914-1



R E G I.  
R E I P V B L I C A E.  
P O S T E R I T A T I.

**F**uonia regni tui est, o-  
mnia quibus imperas,  
Regnum, ex hoc vtri-  
usq; fortunæ principium, quā-  
do defendis, & quādo negligis.  
Quamcunq; Prouinciam ha-  
bes, vicinum huic, amicum, vi-  
cinum & hostem habes, alterū  
superabis fortunā, alterū reti-  
nebis. Regnum, vt alia omnia,  
habet inuidiā, plusquā omnia,  
I 30 A 100 I 100



insidias. Exemplū Liuonia est,  
amicus & hostis Sudermanus:  
hūc quotiescunq̃ vincis, ho-  
stem habes neminem. Cauen-  
dum est ne lædatur fortuna.  
Hostem habere graue est, de  
Regno contēdere iniuriosum.  
Quod tibi inuictissime REX  
Liuonia, exēplum tu reliquis  
Regibus, immitabuntur virtu-  
tem. Regnū tueri, militum vir-  
tute, Patriæ amore, duo media  
sunt.

V OBIS PATRES PATRIAE Li-  
uonia Patrimoniū est, sanguine  
ne





ne à maioribus partum, eodem  
precio ab hoste modò defen=  
sum. Fortes, qui, eadem qua  
acquiritis, virtute retinetis, &  
iustitia ea demum est, quæ de=  
beatis cognoscere, sumptibus  
vos, sudore et sanguine patriã  
nos defendimus. Nonne ha=  
ctenus in Liuonia partæ victo=  
riæ Laudi vestræ, nonne gau=  
dio fuere? Cum tales trium=  
phos agitis, immortalitati no=  
mina datis, imò fines patriæ di=  
latatis. Qui enim amissum re=  
cuperavit, nouũ fortunæ be=

A z

nefi





neficiū accepit. Misera, fors  
eorum & fæda est, quibus pa-  
tria erripitur: Vos periculū vin-  
cere periculo, Patres, cauete.

POSTERITATI, vobis qui in no-  
strū æuum succedetis, Peculiū  
nostrū Liuoniā hystoria dicet;  
effusus sanguis quē hic cogno-  
scetis, nō degeneres animos ve-  
stros suscitabit ad virtutes, ad  
gloriam: legite, vestræ memo-  
riæ feci, & imitatores veri non  
speculatores estote.





VO me potissimum in hanc sententiã adduxêre, vt res Liuonicas ( de quibus hactenus nemo, siue ignorãtia rerũ, siue fastidio ipsius operæ atq; leui æstimatione) nõ sine ope Diuina succedenets, in tam atroci bello, quod decem annos iam cum Carolo Sudermaniæ Duce geritur suscipere; Ne effusus tam latè conciuuium nostrorũ cruor absq; memoria in patriam humum decurreret; neue iniusti belli causa, quam, in cladẽ aliquam nostrorum, in perniciem suorum bellator iniquus attulit, simul cum strepitu armorum & clãgore tubarum, intra oram Liuoniæ interiret : demum egregia virtus atq; ingerendis bello rebus, singularis prudentia fortunaq; Illustr. Comitissæ Ioannis Caroli Chodkievici, cui in virtutes militum summum regimen datum est, ( cuius ipse ego annos septem miles secundum ductum secutus patriam armis tuebar) ardentiorẽ fecit. Cæterum ne longior in curia vel negligentia, quæ iam vergere cæpit ad iniquissimum memoriæ hostẽ obliuionem ) detruderet res tanti viri gestas, in lucem producere, à capulo ad calamum desuetas manus dirigere, humili neq; erudito stylo, literis, quæ ob res bellicas inuentæ sunt, celebrare animus persuasit. Laudaui semper hoc genus vitæ, in quo homines non modo famam nomini suo mercantur, benẽ, de



patria merentur, memoriam posteritati antiquissimam quæerunt, sed & Deo æquitatis vindici, quã diligentissimè placere studet: Militiam ista militibus quæ pro cultu Diuino, pro integritate patriæ, suscipitur, largè adferre, atq; impertiri, omnes cognouerunt, Ad id me vitæ genus, quod in Liuania exerceri moderatore Illust: Comite Chodkiev vicz ipse vidi, contuli, atq; ex eo tempore, quo, magnus ille virtute, ingenio, rebus gestis Cancellarius & exercituum Regni Poloniæ Dux, Ioannes Zamoyseius, e Liuania discessisset, penes quem tum temporis iuuentutem meam ad bonas res applicando, ignotam licet egeram & militiæ nomen dedi.

Porro cū iã res Liuanicæ aliquãto tēpore ab Año Christi 1599 bello actæ in angustias venissent, arces munitissimæ quæq; & vrbes natura & opere non ignobiles in manus hostiũ venissent, nõ vi, neq; virtute hostium, sed inopinatà & clandestinà inuasiõne. Prouinciã Liuanicæ ferme totam occupauerat Suedermanus, latè agros, oppida, vicos, esse & igne depopulatus: neq; huic malotam cito obuiam itum est: Respubl: Lituana, cui tunc Liuania tanquam vicinum periculum defendenda incumberebat, paratum exercitum non habuit, modo primùm cum ita ignis hostilis exarsisset, conscribere militem, parare exercitum, ire cõtra hostem Patriæ statuebat.

Illust.



Illustr. Princeps Christophorus Radiuilius Palatinus Vilmæ, exercituū Lithuanicæ præfexus, quàm potuit celerrimè manum militum collectam in Livoniam cum Ioanne Sycinski præmittit, ipse postea cum exercitu sub Kokonhausensi arce, quam nostri, oppidum verò hostes habebant, confedit. Arx & oppidum ad Dunam fluuium in rupe excelsa situm, loci natura & vallorum apta structura ap-primè munitum, id primo expugnare ab obsidione suos liberare, animus & prima cura Duci fuit. Dū tentamina & alias machinationes in oppidum struunt, significatur aduentus Carolisani, in auxilium oppidanis: Huic Dux obuiam cum aliquot cohortibus Ioannem Sycinski mīst, is ad Orle profligato fugatoq; hoste ad castra reuersus victoriam Duci auspiciatus est. Interim, dum in obsidione morātur, hostis cum maiori exercitu aduentare per exploratores significatur, relinquūt inchoatam operam, nouam incunt curam quærendi commodum ad pugnā locū præparandi ad prælium, & licet omnibus eadem virtus vincere seu occumbere pro Patria fuit, tamen cum multò inferiores numero essent, terrebat aliquos multitudo hostium non virtus, exploratorum etiam garrulitas ignoti hostis minas aperiebat; inde anxietas & cōsternatio, quæ inter milites exoriebatur, Ducem vsq; peruenit & commouit. Fuere in eo exercitu multi ex Processibus



ribus Lithuanix nobilitas ferme præcipua tunc confluxerat, & ad defendendam Patriam prompta & obtinendæ genti famæ auida: Ex ijs Illustr: Radiuili non paucas copias proprijs sumptibus educere. Nicolaus Christophorus Palatinus tum Trocensis, equites hastatos CC. centum leuioris armaturæ, pedites centum; Georgius Castellanus Trocensis centum equites hastatos quinquaginta pedites. Ianussius Pocillator Litu. centum equites hastatos, velites centum. Reuerendis. Episcopus Vilnensis Benedictus Woyna centum hastatos, totidem leuioris armaturæ equites. Illustris. Chodkiewiczzy, Hyeronimus Castellanus Vilnæ, centum equites hastatos, totidem pedites. Ioannes Carolus Ducatus Samogitix, generalis Capitaneus, ducentos hastatos, equites centum Kozakos & centum pedites. Nicolaus Naruszewicz Castellanus Samogitix, centum equites hastatos. Alexander Hołowczynski centum velites. Theodorus Lacki aliquot decurias hastatorum: Et complures alij voluntariam professi militiam, sumptus suos, alij qui aderant vitam suam, pro integritate Patriæ vouerant. Dux etsi, multos & ingenio, & rebus bellicis viros claros haberet, cum quibus mutuo de hoste accelerante conferret, atque ex consilij victoriâ quæreret, Ioannem Carolum Chodkiewiczzy, inuitum tamen, cuius prudentiam in magnani-



gnanimitate perspexit, in socium fortunæ imminen-  
tis pugnæ adsciuit: Narrabatur iam prope Caro-  
lisanus cum exercitu esse, egrediuntur nostri e ca-  
stris, Generalis, ipse cū ccc. equitib⁹, & aliquot ve-  
xillis peditum ad viam, quæ ducit ad Orle, proces-  
sit, atq; illic ad radices montis, hostem præstolaba-  
tur, veritus ne aggeres fossæq; , quibus oppidanos  
cinxerat, & in ijs mille pedites reliquerat, in pe-  
riculum deuenirent, illa quoq; via potissimum spe-  
rabatur hostis. Reliquum exercitum Ioannes Ca-  
rolus Chodkiewicz vltterius a castris ad campum  
deduxit; is erat medius inter Dunam vt colles &  
ripæ fluminis cedunt, aut eminentia montium re-  
sistūt inæqualiter sinuatus, pone tergū fluuius Du-  
na, a latere sinistro palus & sylua editis in altum  
ramis, è regione ruina templi cōspiciebatur, quem  
locū hostis stagnis, saxorumq; cumulis circumse-  
ptum & tormentis munitum infederat. Nostrum  
exercitum ita instruit Comes; in prima acie frontē  
ex cohortibus Illustr: Nicol. Christoph. Radziuiſ  
Palatini tum Trocensis ponit, dextrum cornu, Dux  
lanusius Radziuiſ cum phalāgibus Illustr. Castell:  
Trocensis & Samogitiæ, tenet; sinistrum cornu; suis  
militibus tuendum committit; Auxiliares fuerunt  
Episcopi Vilnensis, Castellani Vilnensis, Palatini  
Trocensis sclopetarij. In secunda acie omnes sti-  
pendiarij; Illustr: Christophorus Monuid de Doro-



staie, Marschalcus Lithu. cum suo agmine frontem occupauerat, dextrum cornu Eustachius Tyſzkiewicz Capitaneus Laysensis, sinistrum Ioannes Sapięha tenuere; Horum subsidiarij ad paludē a latere sinistro in colle, vbi tormēta & pedites syluæ texerant, cc. equites lanceati Ioannis Sycinaſki, totidem Petri Stabrowski Castellani Parnauix fuerunt, velitum centuriones cū suis signis ibidem omnes adstiterant. Cū ita acies iā ordinatæ essent, disſoſa tormēta principium pugnx dēdere, apparentes hostes ē ruina illa depellebantur, hinc clamore, sublato concurrere inter se exercitus, pugnatum est duabus ferme horis, non sustinent vires, mox Suecorum acies nouissimæ, in syluas impetum faciunt, nostri cōcitatis equis directisq; intergora hastis, misu suo, vi equorum deiciunt hostes, illi qui cum Duce in monte fuerunt, in auxilium decurrūt; pars itaq; telis missilibus, pars machæris cædunt profligāt; insequūtur hostem, pedestres ad eandem ruinam cum castris mansere; Instauratur pugna, omnis peditum acies cæsa, tormenta sexdecim accepta; summa tum deuictæ pugnx duo milia cæſorum, multi capti. Peractio tam acri feliciter prælio, deditio oppidi coacta est, sponte hostes ē mænibus vexilla sua proiciūt, signa deditio- nis exponunt, in aduentum Ducis supplices pro- uoluuntur, data fide, liberē ex oppido, omnes di-  
mittun.

mittuntur, quos postea inter montes & sylvas lixæ & calones inscio, Duce, adorti trucidarūt, & in securos sæuierūt (iniquè quipiam iussu Ducis affirmantes cōiugia in virtutē iaciūt.) Atq; hæc anno 1601. euēnere Recepto itaq; Kokōhausio, soluta arcis obfidione diuidebatur exercit⁹; Dux ipse cū mercenario milite Vēdā versus pergit, Comes Chodkiewicz iussu Ducis manū voluntariorū ad Signultū Treydenem, Cremonemq; promouet; tria hæc in vno campo ad ripas fluminis Gawixæ, tribus quondam filijs erecta conspiciūtur castella: Signultum Treydenemq; Suecus habebat, vtrumq; profundissimis fossis cinctum per ditionē capit. Sub idem tempus Vendam metropolim Prouinciæ Dux oppugnat; Vrbs muro circumualata, & fossis munita tormentorum iaculis petitur, deiecta parte muri, excusso crebrioribus impressionibus foramine, ditionem fecit. Tali rerum successu permotus Dux collectis iterum copijs iter ad Runenburgum imperat, sed pleriq; voluntariorum recusant atq; e castris cis Dunam discedunt, paucis in eorum locum I<sup>II</sup>. Friderico Curlandiæ Duce cum CC. equitibus Germanis, Samuele Wolowicz cap. Molczacēti cū quinquaginta hastatis. Ioāne Tyszkiewicz Skumin, cum sexaginta equitibus, totidēq; peditibus, receptis, deuenit Runenburgum Arcem in colle inter mētes sitam, ex vna parte alto vallo,



ex altera binis interiecta fossa muris, circumdatam, crebris turribus ac tormētis munitā circūquaq; inherētibus arbuſtis, sine vlla prope planitie obsidere cæpit, & dum aliquot hebdomadis rerū vario molimine indeditionem cogit, atq; effectum rei breui sibi pollicetur, exploratores adferūt properū Sundermani cum decem millium exercitu aduentum, Dux, tum paucitate exercitus sui commotus (non plura enim quam tria millia numerabātur ex his) peditum quidam assidui laboris onere pressi profugerant, quidā ob vires debilitatas inualidi) tum propter angustias ad præliū loci, castris inde motis ad urbem Vendam proximē receptam recedit, in loco ad prælium apto & perquam munito castra metari iubet, ex quibus postea frequentibus excursionibus militum suorum (tribus enim milliariibus à castris nostris hostium castra distabant) affligebat hostem & abigebat. Fuēre etiam aliæ rationes ex graui & diuturna deliberatione Ducis sumptæ, videlicet vt eò facilius cū copijs Regijs, quas I<sup>ll</sup>. vir Stanislaus Zolkiewski cāpiduſior exercitus Regni, ducebat, atq; iam ex hac parte Dunæ narrabatur, in auxilium veniret; Metuit quoq; ne tam claram nobilitatem, & ferme florem Lituaniæ indiscrimen adduceret: demum haud possibile erat tantis hostium viribus resistere? Igitur consultius visum erat Duci, ferre eos vsq; Rīgam, vt inte-

rim exercitus Regni a tergo iret hosti, quò citius tã  
procul à classe sua deducius indiscrimen adduce  
retur, præmissis impedimentis bellicis, retento per  
vnius vel duorum dierum spatium exercitu, tētān-  
do fortunam atq; indagatione vigilum affligendo,  
lento gradu sustinebat hostem, & sæpius de se, de  
strategematibus in hostē ita factis, Ioanni Zamoy-  
scio Copiarum Regni Stratego significabat, & ne  
tantam occasionem qua hostis superari, & Patriæ  
securitas finisq; bello imponi posset, intermitteret,  
diligenter rogabat; sed irritæ fuere preces inania  
vota; Neq; enim exercitum misit, neq; ipse mouere  
se loco voluit, neq; Campiduclorem Zolkieuium,  
cum lachrymis preces eius causa vt mitteretur ad-  
hibentē, ire in auxiliū permisit, res (certissimum  
est) quæ tanta hæcenus nostrorum clade fuit, fi-  
nem tum habuisset, & profligatio hostis gēti no-  
men antiquū peperisset: Ignoramus, quā ratione,  
aliàs vir prudentissimus & Patriæ amantissimus id  
fecerit? sed vt vulgus suspicabatur inuidiæ signa fu-  
ere. Peruenerunt nostri Rigam, ibiq; ante sub-  
urbium castris positus, quatuordecim ferme dierū  
inter vallo, auxilia frustra operiebantur, sed quia  
neq; locus, ad dimicādum propter frequentes col-  
les, & profundam arenam aptus, neq; castra figi  
ideò commode possent, exiguitas quoq; comeatus  
exercitui terrori fuisset, & crebræ auxiliorum pe-



ditiones spem ademissent, omnes ad exercitum regni, qui ex altera parte Dunæ erat, commigrarūt: Obsidio interim Rigæ secuta est, in qua I<sup>us</sup> Comes Chodkiewicz, cū iā nō exiguos sūpt<sup>s</sup> pro patria sua auidus gloriæ, fecisset, vt in ea quoq<sup>ue</sup> occasione bene de Patria mereretur, & virtutem ad omne periculum intrepidam ostenderet, deniq<sup>ue</sup> vt tātō securior ciuitas esset ( etsi nihil de perfidia ciuium suspicabatur, tamen quia in tali casu timor minister malorum sit ) ipse ad excubias agēdas ad animādos Rigenses vltro se obtulit; cum eo multi nobilium Generos. Andreas Wolowicz vexilifer M. D. L. Ioanes Tyszkiewicz Skumin<sup>us</sup> Cap. Braßlau: Theodorus Lacki, & plures, alij mansere. Riga vrbs ad Dunam latissimum rapidissimūq<sup>ue</sup> fluuium sita, emporium totius Prouinciæ celeberrimum, vallo sublimi cincta, & fossis profundissimis circumuecta tormētorum magnā copiā munita, populosa, libera, mercimonijs & opificijs clara, integro mēse obfidebatur: In eā Sudermanus omnes conatus suos atq<sup>ue</sup> machinationes conuerterat vt rerum potiretur; stimulabat eum vis spolijs, quod post captam urbem sibi suisq<sup>ue</sup> militibus promittebat, Propugnaculum fortissimum in insula Dunæ exstruxit fossis aggeribusq<sup>ue</sup> communiuit, & cum iam machinationes bellicas ad expugnandam urbem in eum locum inferre conaretur, accepit ab exploratoribus

bus Serenis. Regem Poloniæ Sigismundum tertium, cum exercitu properare, & iâ ad Iskiel quatuor miliaribus ab vrbe Riga adeste, nrox celeri motu, relicto tot laboribus exstruendo propugnaculo, desertis mille in eo totidemq; in castris infirmis militibus, cum omni exercitu versus Parnauia properat, ipse trās mare nauigaturus, cum paucis militibus naues cōscendit, ac ventorum se fidei commisit, exercitus verò sui, arciumq; in Liuania captarum curam, viro ingenio rei q; militaris scientia I<sup>us</sup> Comiti Ioanni a Nassaw. demādauit. Rex alias occasionem imminētis pugnæ adeste ratus, atq; cum patruo cupiens in causa iusta fortunam belli experiri, cum hæc de fuga ipsius cognoscit, amplius nō insequitur, exercitum paulatim versus Volmariam ire iubet, subsequentiū tormentorū cura quæ multum temporis exegit, aliquantum retardatus, malā enim via ob audiās eximbribus aquas & constrictā leuiter glaciem, vix equi pedē mouebant. Interea Rex ex insolitis laboribus diuturnoq; itinere debilitata nonnihil valetudine, pulso siquidem hoste, exercitus Prouinciæq; Liuoniæ, fortunam, Ioanni Zamoyscio comittit, ipse in Lituaniam reuertitur. Dux continuato itinere, cum exercitu Volmaria peruenit, atq; prope aggeribus circūis, arcem & oppidum obsidet, crebra deinde grandicium tormentorum impressione admota,

muros



muros quatit, dum foramina tam in arce, quam in oppido excutit, ij qui in præsidij sexcēti erāt amīsa spe subsidij initoq; de salute cōsilio, Præfectos ad Ducē deducunt, ex quibus Carolus Caroli filius & Pōti<sup>9</sup> de la Garde in captiuos accepti, reliqui oñes vita & libertate donati abiēre. His feliciter ad Volmariam factis, summa ingruente hyeme, mouit inde castra ad locum Hans Moysam vulgo dictū, ibiq; deliberat Dux prudens, Dorpatinē an Felini obsidionē suscipiat: Visum Duci est ire prius in Estoniam, postea ineunte vere Felinum obsidere. Igitur soluta hyeme tepentibus niuibus, direxit iter ad Felinū arcem in eminentibus campis, muris aliquot & vallis fossisq; profundissimis duabus cinctam & natura loci munitissimam circumfedit, fossis aggeribusq; & machinis omnis generis expugnare aggreditur: Post multos interim tormentorum ictus, excusso foramine a pariete templi ad secūdum arcis antemurale, assultu res tentanda fuit, sed ob inopiam peditum, quorum pars cæsa, pars fugata, pars obnimios labores debilitata erat, ipse nobilium equitatus amore Patriæ ultro se in insultum offert: Res fuit aspectu periucūda, defiliētes ex equis, in peditum ordinem censebantur, nulla oratione permoti ad nutum Ducis, omnes alacres in foramen irruunt. Primus cum vexillo generosus Sigismundus Kazanowski Cap. Kokonhausen-

haufenſis vexillum reliqui ſecuti ſunt. Fuère in eo  
aſſultu, multi illuſtres viri; Georgius Farèsbachius  
Palatinus Vendæ quia corpore grauis & vallum  
ſublime & aſperum ascendendum erat non tam  
virtute, quàm fortuna deferente, traiectus globo  
poſt aliquot dies occubuit; Nicolaus Comes ab  
Oſtrorog, Ianuſſius Strus vulnerati; Ioannes Pory-  
cki & complures alij centuriones & ſocij virtutis  
inſignia meriti ſunt. Anceps erat principio ſucces-  
ſus, reprimebantur ab inſultu noſtri: ſautij multi  
ſanguine rubentes recedebant, non quod temeritas  
te rem adgreſſi, ſed caſu ita interueniēte. Pixidiarij  
enim tormētorū vi latius foramē excutere moliti,  
ſuperficiem domūs quę vallo imminebat dirruunt;  
trabes tegulis decidentibus confertim in foramine  
hæſere, difficilius inde acceſſus & multò quàm fuit  
aſperior factus ( ita vt vix bini difficulter ascen-  
dere potuerint ) negotium faceſſerunt, quod Dux  
ad tempus diſtulit. Interim tamen ad motis tormē-  
tis petere muros non deſijt, ſpes Duci in virtute  
militem, victoria militibus in fortuna Ducis erat,  
continuata acrius opugnatio obſeſſis omni ſpe de-  
ſtitutis terrori fuit; Qui ſubdolè mittunt ad Ducē  
( ſimulantes deditionem ) petitum colloquium, in-  
terim quā per diffracos muros in arcem ascendē-  
dum erat, tormentarios pulueres, quibus incenſis  
cladem noſtrorum fore rati, ſupponunt, ſed Diuina

C

proui-



providentiâ, & magna Ducis prudentiâ, iacula quæ in nostros direxerant, in ipsos cõuerſa ſunt; Excufum erat maius ſoramen, iterum mittunt ad Ducẽ fraudulenter repetitum colloquium, atq; vt ſtrategema melius occultaretur, ipſe Capitaneus in eo loco obambulans nostros expectabat, fortẽ fortuito a ſuis pyxidarijs incenduntur pulueres, eijcitur Capitaneus & ad manus Ducis ſemianimis deferitur: perterriti in fauſto euentu hoſtes, amiſſo capite, quid aliud quam deditiõnem quærere, & in aduentum Ducis ſuppllices miſericordiam implorare meditantur? Capta ergo arce virtute Ducis, omnes liberẽ dimiſſi. Itũ poſtea eſt in Eſtoniã cõterminã Liunioniã prouinciã ſyluis paludibuſq; incultã, ibiq; Veyſteniũ vulgò Albũ lapidem diſciã arcem, inter paludes ſitam, circumquaq; ſyluis cõſpicuis, muro valloq; cinctam, natura loci munitiſſimam obſident. Et dum illic ob paucitatem peditum ſoliciti animo eſſent, lætior rerum facies ſubitò affulſit: Nam ſexaginta circiter ſigna peditum ex Polonia veniunt, omnes alacres, armis, omnes leſi: parabantur interea vineæ corbes plutei foſſæ aggeresq; magna difficultate, ob exſilientes è terra aquas maximo conatu, non procul ab arce plus minus centum paſſus iaciuntur. Huic operi nostros intẽtos. Hoſtis furtim per ſyluas arbuſtaq; irrepens laceſſebat, qui tamen ab Andrea Wilczkowski

kowski excubias tunc agente, fugatus. Interiectis  
deinde aliquot diebus in auxilium Veysztenio ire  
nūtiatū ē. Huic itaq; cū duobus millibus hastatorū  
& levis armaturæ, equitibus campiductor regni  
Stanisl. Zolkiewski properè per illas horrēdas syl-  
uas cupiēs anteuertere hostem contendit, sed viro  
forti & animato in syluis, & fugiētibus, & insequen-  
tibus nociuis, fortuna nihil obtulit; peruenit vsq;  
Reualiam, ibiq; aliquot diebus paratus ad pugnam  
expectabat hostem, qui non poterat colligere ani-  
mum ad prælium, quem in fuga amiserat. Onustus  
ergo præda cum suis militibus, ad castra redijt.  
Sub idē tempus ad velitationem missi quidam Ra-  
kibor castellum fortissimum inopinatò aduentu  
suo receperunt. Interea temporis, haud erat oci-  
atum ad Veystennium, tormentorum vi quatiebā-  
tur mænia, latissimum foramen aperitur: dum hæc  
obsessi vident, nō solum talibus ausis, sed alacrita-  
te militum, & quasi obliuione, quadam susceptorū  
laborum magis cōcitatati, ad deditionem cogūtur.  
Capta est arx: præsidarios dux benignè appellatos  
omnes dimittit, arcem suis præsidijs firmat, octin-  
gentis peditibus, Capitaneo Ioanne Przelecki &  
centum equitibus hastatis, centurione Ioanne  
Goslawski in ea relictis, Felinum reuertitur, ibiq;  
venerandus iam senex, ætate grauis, & diuturno  
labore fessus, auocantibus eum, quæ imminebant  
Regni Comitijs, in Poloniam abitum paraturus,



exercitū, dimisit equites in hyberna pedites arcibus imperat. Sed ne & eos qui in arcibus, & hos paucos licet, qui in cāpo mansere pallantes sine Duce defereret, visum erat, Illustr. Comitem Ioannem Carolum Chodkiewicz, illis præficere, qui Regis Sigismundi literis vocatus ex Lituania cum centū equitibus astitis, proprio ære conductis in Liouoniā proficiscitur, & Felinū, vbi vetera castra erant, Año 1603 peruenit. Vbi inuirtutes militū, summo regimine potitus, cum exigua, licet manu (non erāt quippe plures oſtingentis in campo) tueri Patria armis conatur. Cōferre interim cū cēturionibus, adhortari militē solitus, vt nō in multitudine victoriam sed in æquo & virtute militantiū, existimātes, bonā spē haberent, atq; secū ad obsidēdā arcē, & vrbē Dorpatū alacres irent; Assenserūt milites, prudentiam Comitis, quæ semper fortunam secum ferre videbatur sequuntur: pergit itaq; Comes Dorpatum, atq; Koster Moyzam ad Embekū, amnem nauigabilem sitam, quæ à latere Dorpato erat munita, instar propugnaculi operis Sue-ticis, quibus debilia quæq; firmare & munire ex-consuetudine, in naturam venit. Eam, prius expugnare proposuit, vt fluuium nauigabilem, hostibus adimeret, sibi quoq; propter aduehendos ex Moschouia comineatus liberum efficeret, & omnibus obstaculis solueret. Obtemperauit cōsilio, Comitis

tis fortuna, expugnatum est propugnaculum, octoginta hostes in captiuos accepti, vexilla aliquot. Postero die castra ex eo loco mouentibus cccc. pedites Anzelenfis & Kerempecensis arcium, præfidiarij à Ioanne Zamoyscio relictî accesserunt, postea, cum ad urbem Dorpatum peruenimus, in latissimis campis, ad Embekum fluuium nauigabilem sitam, vallo intra muros vasto cinctam, fossis circumductam, turribus & tormentis munitam, hoc modo Comes circumfedit: Diuiditur exercitus, ex utraq; parte urbis castra ponuntur, ut omnis exitus hosti præcluderetur, ita ut, si ex urbe vel arce egredi vellêt, ferro viam parare necessum esset: in vijs Reualiensi & Naruiensi, ideò locantur, ne ijs, commeatus in urbem importetur, Castra quædam, medio milliari ab urbe quædam propius posita: his propinquioribus ipse Comes intererat, illis Ioannem Sapiehâ præfecit, quæcûq; hostis tentasset, a tergo alterutros habuisset. Erant etiam à latere milites in adiacentibus Dorpato arcibus, Felini, cum sexcentis peditibus, & centum equitibus hastatis, Thomas Dabrowa; in Veyfztenio Ioannes Przelecki cum octingentis, peditibus; ibidem Ioannes Goslawski cum sua centuria equitum hastatorum; in Rakibor ccc. pedites, omnes propè erant, in auxilium omnes adesse, dato signo, si opus esset parati. Porò & rationes



Ducis, & necessitas ipsa, vt Dorpatum, prius, quam aliæ arces, obsideretur, requirebat; Hæc n̄. vrbs in meditullio Prouinciæ Liuoniæ, multis præ fidijs munita, mille sexcētos pedites, ducētos equites habebat. Nimium isti excursionibus suis, arces propinquas infestassent. Obsidio grauis, vtisq̃ fuit, ingentia frigora militibus cupidinem, quæ more ingenij humani, ad difficilia faciēda, permouet, ademerāt & quod fecerāt arte in hostē, ipsis offecit. Dū n̄. excubiæ aguntur, quibusdā ad ignem, qui in aggeribus compositus fuerat, somno oppressis signa duo militaria hostes erripiunt: Durabat hæc obsidio, totam hyemem, in magnis frigoribus, in summa inopia commeatūs, nihil nisi, quæ ex Moschouia adueherentur rarò, habuimus, excursiones assidue & acres, fames, frigora, intollerabilia: Durum quidem habuimus Martē, sed numen Diuinū propitium, quod euidenti argumento in ijs fuit, qui ex velitationibus redijssent etiamsi periculose sautij, Austro expositi, naturali tantum calore, & pellium exiguo vsu sustentantes vitam, sine discrimine tuebantur. Dum hæc ad urbem Dorpati fiunt, exploratores veniunt hostem Rakibor obsidere, & per assultum rerum potiri velle narrant. Fit consternatio militum in castris, sed Comes cōstantis animi vocatis in concionem militibus, duo facilius difficilia proponit; obsidionem Dorpati cōtinu-

tinuādam, auxilium Rakiboriensibus ferendum, esse: paucitas quidem nostrorum (diuisionē exercitui semper cauendam) prohibebat, sed necessitas consilium nouum, Duci suppeditabat. Illico Ioannem Gosławski, cum centum equitibus hastatis ex Veylztenio vocatum, adiūctis totidē Felino equitibus missis, (ex vtraq; arce sexcēti pedites aderāt) ex castris quoq; aliquot signis militarijs assignatis, ire sub Rakibor præcepit. Postquam hæc Dorparēses de nostris acceperunt mox ex vrbe, & arce in castra nostra irruptionē faciūt, nostri futurum id rati prælium expectabant: Felix Niewiarowski ex longinquirib<sup>9</sup> castris, cū ccc. equitib<sup>9</sup> Comes ipse è castris suis ad quē intēderāt hostes totidē equitibus, & cētū peditibus acceptis, à frōte Suecos, ille à tergo adoritur, qui sibi victoriam promittebāt, turpiter fugātur, & nisi se sub mænia recepissent tormentorūq; auxilio vli essent, cōtemptam, in parua manu virtutem nostrorum experti fuissent. cæsi tamen aliquot in fuga, & capti sunt. Sub idem tempus ad Rakibor feliciter dimicatum est, cæsi hostium mille trecenti, signa militaria septem, tormenta sex accepta. Exitus pugnae fuit felicior, quò durius & omni fortuna destitutū magis esse videbatur bellum, incendiam labores, & algores susceptos, largē Diuina compensauit prouidentia; non n ultitudinem hostium, sed æquum & virtutem militum, præstantiorem esse victoriā,



de victo hoste numen Diuinum expressit, & pro cultu Diuino bellantium, maiora promittens, incendit & erexit animos. Igitur fuis fugatisq; ad Rakibor hostibus, milites cum tormentis, & signis Sueticis, ad castra redeunt. Visis his Dorpatenses, tum primò remissiores agere, malè de se queri, magni Comitem habere cæperunt, timere, deniq; fortunam suam, ne nutu Diuino cuncta agentibus, humanos conatus prostituat, faciliores ad omnia inuēti: neq; iam deditionem, quàm antea horrebāt, abominabantur, cumq; nos constanter hyemem transegisse, in obsidione aduertunt, imminente vere, deficiente quoq; commeatu, præter quem omnia sustinuisent, redacti eò, sese dediderunt, & iram Comitis deprecati sunt. Capta est vrbs, & castrum Dorpatense, præsidarij omnes impunitate donantur, quidam equis Comitis ad fines Estoniæ deuehuntur: Ciues plura, quàm ipsi sperarent, retulerunt, vitam, religionis libertatem: à præda milites prohibiti, fæmineo sexui honor, ob singularem Comitis continentiam, habitus est. Summa modestia in omnes vsus, ita. vt nunquam, hominem, qui fronte oculis, gestuq; seueritatem, natura insitam, non fictā ferre videtur, modestiore animo, esse sperares, qui & vincere, & in victos clemētia vt i didicerit. Sublecura est interim æstas, meritis nostris commodissimum tempus, quod nemo nostrum

ocio contèrere voluit, & bene mereri de Patria, & nomini suo quærere, simul cum Comite optimo, famam, omnes optabant. Mouit ergo Castra Comes ad Fikiel Moyzam, media inter Veysteniũ & Rakibor via, & quia Comiti nihil incognitum, cõsilia, n. prõpta, occulta hostiũ monēt per exploratores, quos sumptu nõ exiguo alebat, intellexit exercitũ septẽ milliũ in Estonia esse, diuidi q̃ in duas partes, vnã ductore Eruerixone, aliam Andreã Linderfone, hunc ad Veystenium expugnandum, illum aquis lacus Peypis Dorpatum nauigaturum. Igitur Comes noster, castra sua mox transfert, & ad Iberpol in loco munitissimo metatur, is, inter duos exercitus erat. Siue itaq̃ euntẽ Dorpatum, siue properantẽ ad Veystenium, alterutrum commodẽ sequi posset, ( hic septẽ, ille quinq̃ milliarius, interuallo à castris nostris distabat ) minorẽ exercitum, sed armis lectiorem Linderfonis, ( quorum duo millia, equitum & cccc. pedites erant ) secutus est. Fuit aliquis tñ. in tanta paucitate nostrorum inter milites metus; Comes, constantis animi, nihil multitudine hostium territus, idem sibi numẽ Diuinum adesse, quod proximo prælio adfuit, sperans, eidem q̃ negotium comittens pergit, milites verò ex prudentia Comitis, fortunam sibi promittentes non recusauẽre. Igitur inito cum præfectis equitum consilio, castris armaturà, & vallo muni-

D



tis, cum quingentis equitibus hastatis, & centum peditibus, celeri cursu, noctu diuq; occultis, & atpensis locis, non sine maximo labore superatis, inopinantem & securè agentem Linderfonem adoritur. Et quāuis initio anceps facies pugnae, & ad hostes inclinari visa: propter angustias enim loci nouissima acies congredi cum hoste non potuit, ideo neq; impetum sustinuit, relinquentibus à tergo famam nominis, concitato equo, dēstatē syluæ perrumpens Comes occurSAT faciei, detinet, fugam turpem genti clamat, ipse prior in confertos hostium cuneos inuehitur, viam ferro alijs aperit. Nec mora, recipiūt animum, resistunt hosti. Ecce qui fortunæ credidit, decipitur fallaci Deâ, victoriæ spe exuitur, profligatur, & in trium-milliarium spacium vsq; Reualiam fugatur. Cecidēre eo prælio hostium mille trecenti, septem signa militaria accepta: præda ingens equorum fuit. Post reditum Comes ad castra sua, peracta tam felici pugna, interiectis aliquot diebus, ire cum parte exercitus ad Eruerixonem, qui in construendo propugnaculo ad ostium lacus Peypis, immorabatur, constituit, cumq; perexisset, cognita hic clade collegæ sui Linderfonis, & aduentate cum exercitu audito Comite, mox exercitum suum nauibus Naruiam subduxit: fugâ sua hostis animato tunc militi victoriam sustulit. Porro post breue tempus, eodem anno 1604. exploratum erat Duci collectas ter-

tiò hostium vires esse ad Reualiam, & in animo habere ire cum exercitu sub Veystenium, & fortunam belli secundò tentare. Comes noster qui iam tum octo ferme vexilla auxiliarium copiarum ex Polonia recepisset, cum animoso milite, quibus fortuna Comititis, & Comiti virtus militum cognita fuerat, non expectato hospite, ad eum perrexit, atq; inopinato aduentu suo, ad ipsas excubias, in castra eorum, quæ ad lacum sub vrbe posita erant, irrupit, ibiq; tum infestatione Kosakorum inchoatum opus, ad manus non peruenit: dum enim in prædam nostri ruunt, hostes metu, alij equorum, alij pedum pernecitate vsi, quousq; modo efferre potuit vitam, cum ea properabat. Comes qui cum exercitu à tergo fuerat, tam cito ducere pedites non poterat, interim se Sueci sub tormenta ad mænia vrbis recipiunt. Nō defuit animus Comiti neq; militibus, ad ipsum n. vallum vrbis excursantes, quantum commoditas loci permittebat, (frequentibus enim circumsepta fossis ad mare, ex vna parte iacet vrbs) ad prælium prouocabant; imbellem tamen animum hostium, non concitarunt. Tota die in eo consumpta, ad vesperum incensis castris, & sub vrbio, versus mare ad Lode receserunt, terram hostilem depopulando, vt vel damno commotos, quos gloria virtutis non excitauerat, ad prælium euocarent, nihil profecere. Ad id locorum morantibus, pe-



silens in exercitum inuadit lues, ex spolijs & captiuis in castris nostris coorta, quæ ita grassari cæpit, vt non solum infirmi, sed etiam sani, in incelsu quidā, quidā in gyrū agitātes equos, dū se alacres putant, caderent, quidam in somnis absumerētur. Nec Comes ipse eiuldem mali experts fuit, quippē inter exploratores, & captiuos sæpius versabatur. eò tādē vētū est, vt sparsim ē castris dimitterētur: Comiti qui etsi morbo tenebatur, curæ fuit, vt arces præsidia sua haberent, & milites pallantes licet, in Liuania tamen detinerentur, ne eā occasione hostis, fortunam sibi conciliaret, & intentata relinqueret: errantem toto autumno militem, vix, frigora Decembralia ad hybernā compulēre. Sed eadem contagio apud hostes, à quibus ad nos direpserat, fuit, ideò nihil moliebantur, & nihil audebant, quamuis de nostra dispersione omnia cognouerant. Edicto diuino pax vtrinq; intercessit, totam hyemem ociosi peregimus. Recepta interea Comes valetudine, ad Serenissimum Regem Sigismundum, vt statum Liuanie exponeret, vtq; auxilia Prouincie impetraret, prociscitur: annuit Rex postulatis, nouus conceditur miles. Anno igitur 1604. in Liuaniam, æstate iam feruente deportetur: Interim Eruerixō cū 4. milliū exercitu ad Veysteniū peruenisse narrabatur: & quia in arce præsidarii plurimi peste perisset, visū erat Comiti mouere castra versus hostē, ire in auxiliū Veysztenio, cūq; per-

uenisset ad Iberpol, in loco munitissimo, quinque  
 milliarum interuallo ab hoste, castra constitui ius-  
 sit, ibique Comes ad hostium progressus intentus, num  
 tormenta ad quassandos muros applicaret, nunc militem  
 dispertiret, dispiciebat, tum in eos, ut in mali con-  
 silij hostes irrumperet, & suo stratagemate uti posset.  
 Sed cum hostem colloquijs tantum & literis Vey-  
 stennium licitari cognouisset, nullamque vim arci  
 metueret, in castris se continet, intentus ad omnia,  
 quae moliretur hostis. Porro illud hostibus consilij  
 fuit (quod Comes noster tam de captiuis, quam  
 de exploratoribus sufficenter cognoscebat) inua-  
 dere castra, sed difficultate expugnandi retracti,  
 ad Veystzenium, faciliore, ut ipsis videbatur, rati-  
 one capiendum animos adijcientes, a proposito dis-  
 cedunt. Exactio tamen vno mense Eruerixon a Vey-  
 stenio recedit, minitans promittensque se cum lectio-  
 ri & validiori manu intra breue tempus reditu-  
 rum. Copiae interim auxiliares, tam equitum,  
 quam peditum, ex Polonia festinare, & iam Dor-  
 patum peruenisse, Comiti narrantur. Hinc igitur  
 ad Veystzenium cum frumento &c. peditibus mis-  
 sis (pestis enim tum delatuisse videbatur, ipse ca-  
 stra Dorpatum transfert, ut & commodius stipen-  
 dia militibus percolueret, eodemque in reditum  
 hostis insisteret. Eruerixon iterandi reditus stetit  
 premissis, collectisque septem millium copijs, quae



potissimum ex Germanis, Anglis & Scotis constabat, rursus ad Veystenium comparet, atq; ad Dorpatensem viam, quâ nobis eundem erat, castris locatis, arcem circumfedit, persuasus sibi eos facilius indeditionem posse cogi, sed frustra: Tatum enim & commeatus, & rerum ad defendendam arcem necessariarum habuere, ut, quamvis integro anno obsiderentur, sufficerent. Cum ita agere Comes hostem cognouit, receptis quæ ex Polonia venerant auxilijs, præter eos, qui in præsidijs arcium erant, duo millia & cccc. contra hostem ducit: Cumq; iam ad Iberpol veterum castrorum locum peruenisset, curribus in gyrum iunctis, tentoria explicari iubet, longioris illic moræ similitudinē ostētās, hosti etiam minus suspiciā eò quod exploratores diutius mansurū, ut ante, & tātū à longe speculaturum affirmarent. At Comes, primo nostris intempestæ silentio, dat tacitum signum militibus, relinquit cum suis præsidijs castra, rectā ad hostē pergit, cumq; vno milliari à castris hostiū, abesset, vigiles inter se cōcurrissē, & manus conseruisse affertur, idem cum hostis accipit, relictis suis castris, ite obuiam nobis, matutino diei crepusculo illucescente. Comes cum aduertisset dimicationi locum non esse idoneum, qui inter paludes & arbuscula erat, in dextram diuertit, atq; tramitibus occultis ad arcem peruenit, vnaq; castra hostium

hostium nullo negotio cepisset, nisi à tergo relicto-  
rum velitantium, ( aliquot enim vexilla misa  
erant ) curam habuisset. His cognitis Eruerixon,  
festinare, urgere, terga nostrorum conatus eius re-  
tardantium premere, pugnae copiam aucupans  
properare. Sed cū peruenit ad eū locum, qui viā  
dextram exercitui nostro porrexit, deuia vestigia  
cognoscit; mox iterato cursu, castra sua repetit,  
atq; vno eodemq; tempore, quo nostri ponē arcem  
ad fluuium, ipsi ex altera parte, ad castra sua, de  
quibus desperarunt, accurrūt: ibiq; exercitus quos  
interseperat fluuius, ad ripas stantes eminus fe la-  
cessabant. Postea cum ad vesperum dies inclina-  
retur, exercitus noster sub ipsa arce consedit;  
locus enim ille in quo diem transegimus, minus  
erat ad pugnādum opportunus. Hic videre est ho-  
stium arrogantiam: circumducunt vndequaq; no-  
stros, diligentissimas excubias, nequispiam dila-  
batur agunt, pars in castris ouant, pars mero indul-  
gent. Postero die, qui erat 25. septembris Anni  
1604. ex ausis hostium metientibus nobis pruden-  
tiam magistrā fortunæ, desipere visi: loco enim ca-  
strorum munitissimo cedunt, ad campum quā ve-  
nerant, commigrant, nostri lento gradu succedunt,  
multum immutatione loci animati, loca angusta  
( per ponticulos eundem erat ) traieciunt, circum-  
quaq; enim illum campum ar busta obsidebāt, neq;  
prius



prius ingrediebatur Comes donec tormentorum globis ex arce emissis, inuidias explorari iulsiſſet. Ita aliquot horis tranſactis, auxilium Diuinum implorans, turmas ordinatas educit. Præcedunt aliquot vexilla peditum cum tormentis, hos equitatus è Germanis conſtans ſubſequebatur, iſtis haſtati equites ſuccedebant, pedites iterum cum tormentis, hos tertia acies haſtatorum equitum, & peditum cum tormentis ſubſecuta eſt, agmen, vltimi equites Germani claudebant. Hoc ordine campum ingreſſi, ne tormentorum iaculis, in ipſa fronte aliquam cladem paterentur, neue dolo aliquo hoſtis vteretur, verebatur Comes, in loca igitur editiora tormenta inuehi iubet. Acies deinceps tali ſerie inſtruit. Campus erat latiffimus ex utraque parte denſis virgultis obſitus, quem totum hoſtis phalangibus ſuis ita in latum diſſuſis occupauerat, vt ſi quis in multitudine victoriam poneret, paucitati noſtrorum infauſtum ominaretur. Pedites itaque, ad latera cappi deſtinati; ex his duo cornua, dextrum & ſiniſtrum ita conſtituuntur vt, & paucitatem ſyluis teſta ſimularent, & nihilominus arte hoſtibus imminerent. Medium etiam pedites tenuere, ad læuam Illuſtr. Comitum Alexandri Chodkiewicz ducenti, his adiuncti Thomæ Dabrowa totidem equites lanceati. Auxiliares Germani Sclopetarii. Benedictus à Vall, & Ioannes Suindermanus cum ſuis centurijs.

centurijs. Dextrum cornu pedites ferebant, equites à latere. Theodorus Lacki cc. Felix Niewiarowski centum hastatos, habebāt. Voluntariorum, etiam aliquot centuriæ, ex his lectiores equis & armis duo, Ianussius Kiszka & Georgius Frączkiewicz Radziminski, & cōplures alij, fuere. Auxiliares ijs, nobilitas Liuonica cēturione Othone Denoffio, & cētum sclopetarij Germani ductore Gottardo à Vittingt. Prætoria deniq; hoc est, valida ipsius Comitum turma: hanc à latere & à tergo Kozaci circūstabant. Dū ita acies instructæ essent, mittuntur è tormentis iacula, ingens exoritur clamor, nostri salutifero nomine IESVS inuocato, expediunt arma, cursu citato feruntur in hostem. Anceps initio pugna; circumueniūt à lateribus nostrorum aciem, quod multitudini aduersus paucos facile fuit; dum ita hostis, nostri ex syluis pedites, dextra læuāq; ala, eosdem à lateribus ambiunt, plumbea grandine improuisos vrunt. Auxiliares à tergo copiæ irruunt, & miscent ordinem: pugnatum est acriter, cædunt, profligant vincunt nostri: quinque ferme millia hostiū in eo loco cæsa, permulti capti, faucij plurimi: Signa militaria sex & triginta, tormenta septē accepta: è nostris quadraginta occubuere, nonaginta sautij. Parta virtute militum insigni victoria, profligato tam feliciter & pulso hoste, milites, diuturnis laboribus fessos, Comes in hy-



berna misit, qui dum ad loca designata secedunt, nihilq; periculi ab hoste metuunt, & tranquillitate breui perfruuntur, tunc Linderfon collectis iterū copijs, tam ex reliquijs eorum, qui proximo prælio aderant, quā etiam ex arcibus Eflomæ vocatis, vt collegæ cladem, sua fortuna vlcisceretur, & fufum sanguinem fuorum, capto Veystenio, Duci suo Carolo compensaret, nostroru n præterea paruo numero qui in præfidijs vix cc. tuere, insolescens, ( plurimi enim peste, absumebantur, nec ad integrum contagio sopita erat ) ad Veystenium perrexit, sed malo euentu. num enim noctu, quam ad ausus suos & fortunam delegerat, impressionem facit, & omni vi mænia disturbare nititur, paucorum defendentium viribus reprimitur; pars quæ per scalas ascendere conabatur deiecia, pars, tormentorum iaculis strata, pars, saxis obruta, ad mænia arcis plures cccc. iacuere, sautij plurimi vulnera, pro victoria; infamiam, pro Veystenio, reportantes recesserunt: E nostris quatuor aut quinque cæli. Ex ijs ipse Capitaneus, vir militaris & sorti animo, Georgius Czechowski, dum strenuè muros tutatur cadit. Cum ita auxiliante numine Diuino hostis repressus esset, reliquum hyemis quietè peregimus. Comes interim ad comitia Regni proficiscitur, cū eo plurimi militum, quorum virtus, vulnera dispendia, laboresq; pro Patria suscepti, Regi, in  
amplif-

amplissimo Patrum consensu à Comite comēdabatur. Signa militaria, complures captiui ibidem, victoriæ exuuię, dexteritatis symbola, ad Regios pedes abijciuntur. Ea res summo, Comiti ac militibus honori fuit, gratiæq; omnium Ordinum applausu singulariter actæ. Et ne excellens tanti viri animus, totq; prælijs, felici Marte, transactis, perspecta prudentia & fortitudò, domesticis tantum insignibus ex ipso genere tractis, gauderet, Rex prudentissimus, nouis remunerari virtutem titulis, nouoq; honore, ac munere, Comitem condecorare statuit. Itaq; è communi omniũ sententia Supremus exercituum M. D. Lituan. Dux pronunciatur, curamq; Liuonię vltierius tuendæ luseipit. Sequenti ergo vere, quod erat Anni 1605. equitatu, & peditatu, exercitus auctus erat: sed quia arcium præsidia, ob multorum fugam, infirma videntur, Dux prouidus, partem campestrium peditum, (vix mille in castris relictis) arcibus impertitur. Porro dum ad Volmariam castra detinentur, exploratores Rakibor à Lindersone obsideri, & ad insultum machinationes strui afferunt. His rumoribus percitus castra Dux loco mouit, & in auxilium ire suis constituit; mox alij veniunt peius adulti rumores, castrum per deditiõem, perfidiã quorundam Haydonum captum. Ergo institutum iter Dux, qui iam prope Dorpatum erat, præscindit,



frequentioribusq; nuntijs perturbatus periculum Veystenio metuebat. Præsertim cum etiam, interea, rumores alij, vndiq; accederent. Rigenses n. de appulsu clâsis Carolinæ cum Mansfeldio significant, & maritimis proluisionibus perculsi, Ducem ad auertendum imminens ciuitati suæ periculum rogitant. Eodem tempore ( etsi exploratum erat Duci, Rigam quoq; versus Linderfonem cum exercitu intendisse ) tamen non facilè rumoribus credens tempus quo senescerent concedebat. Interim diligentem curam Veystenij habebat, cuius magis periculum quàm Rigæ & Dunamündi extimeſcebat. Rigæ, quæ cum esset vrbs munitissima, vim Mäsfeldij, nihil detrimenti allaturâ, perspiciebat; & vero magis fides, & in difficilibus perspecta virtus Rigensium, securum faciebat. Dunamundo & com meatum & præſidiarios sufficientes non defuisse nouit. Quare his in hoc statu relictis, omnem curam ad Veystenium tuendum conuertebat, & hostem persequi constituerat; frequentioribus tamen Rigensium precibus victus, Rigam exercitum direxerat. Ecce illico exploratores aduolant, Carolum Sudermanum Parnauiam septem millia hostium adduxisse significant. Res fuit plena periculi, paucitas nostrorum, copiosus verò exercitus hostium diuisus metum, coniunctus periculum incutiebat. Diu deliberans Dux, quod commo-

commodius inter tria, iter ariperet, prioribus illis rationibus Rigæ, & Dunamundo consultum esse putauit, hoc vero posterius consilium suscipit, ut copias Linderfonis quas exercitui Carolino quasi e composito, adiungere studuerat, interromperet, & diuilem hostem commodius profligaret. Animus quidem Duci, cum Carolo fortunam tentandam suadebat, sed exercitus Linderfonis, qui fortibus, & insignioribus viris lectior erat, illum ad se pertraxit. Relicta itaq; à dextris via, rumoribus & vestigijs, quæ Dorpatum vergere viderentur instructis, cò quoq; impedimentis bellicis remissis, ipse celeri cursu, locis abditis, & perquam transitu difficilibus versus Parnauiam perrexit, ibiq; in itinere per exploratores, de aduentu Linderfonis, qui octo milliarium interuallo ab vrbe Parnauia aberat, cognoscebat. Interea properabat, ut Linderfonē ad Castellū vulgo Fikiel Moyzam dictum, euntem, anteuerteret: idem Linderfoni, tanquam viro militari consilium fuit, eandemq; de nostro exercitu notitiam habens, contendebat cursu, ut prior locum occuparet, & quia propinquior, ideo prior conspicuus nobis omnibus inuit, pedestribus in castello clausis, equites omnes penes Castellum in campo iaciā fossa, & circumductio aggere locat. Fuere illo die frequētes vtrinq; velitationes; provocatus aliquoties per tubicinē ad prælium non



audebat, detinebat, & alias, deinde alias more causas nesciebat: interim aliquot equites rogatum auxilium Parnauia ad Carolum militem, ex quibus postea duo, ab excubijs nostris capti, consilium hostis exposuere. Igitur Dux noster, vno milliari ab eo loco, cum exercitu recessit, hanc speciem castrorum, compositis frequentioribus, quam ad usum erant necessarij, ignibus effingens: insumpta breui propter pastum equorum mora, deinceps nonne interpestam, per loca insueta, paludosa, & tetra ob eminentes arborum summitates, & euersas radices (ubi locus insidijs suspicius esse posset, & quem exploratores maxime cauendum, monebat) ope Diuina integrum exercitum traiecit. Sudermanus vero licet nos insequeretur, minimè tamen est assecutus, & ubi nocere plurimum potuit, nihil obfuit. Ita feliciter Felinum peruenimus, ibique nonnihil equis relaxatis, ipsi quoque refectis viribus pulsaque fame, (tantum enim victus sumserat quispiam, quantum eques armatus asportare secum potuit) lento postea gradu perreximus Volmariam. Hinc recepto comite, quem antea Dorpatum remiseramus Duce iubente, castra Vendam promouimus, atque in loco quondam fortunatissimo, in quo Illustr. Christophorus Radziwil Palatinus Vilenensis, initio huius funesti belli trecentorum militum opera, quatuor millia hostium profligauerat, & quam plurimæ

rimæ aliæ victoriæ auspicijs Regum Poloniæ antiquioribus temporibus, ibidem de Molchis reportatæ fuerant, castra posita sunt, & vallo communita. Dum ibi cum animoso milite expectat hoste, certior fit per exploratores Carolum Sudermanū contempta paucitate exercitus nostri, (& enim tū exercitus hostium ultra duodecim millium numerum transcenderat, præter Mansueldium, qui etiam cum quatuor millibus ad Dunamundum immorabatur) res à Rigam iter tenuisse. Illic castra mouet, & properanter ire exercitum Rigam iubet, cumq; ad Rodempeium peruenissemus, facta statione, tenebras expectauit, cumq; iam nox intempesta esset, impedimentis Hækielium præmissis, ipse cum omni exercitu ignibus relis, collucensq; syluis, secutus est. Postera iam die, cū à castris hostium non nisi quatuor milliarium intercapedine abessemus, vltius ad prædium Patrum Societatis Iesv, vulgò lungfer Moylam dictū, castra Duci promouere visum erat, (qui locus vno milliari ab vrbe Riga, & à castris hostium distabat) Tum, vt propinquitate loci, Rigensibus animū adderet, tum, vt etiam insultus, quos hostis Rigæ parabat, impediret. Accedit quod exercitum hostilem, hac ratione distractum, iri & copias quæ ex Lituania missæ in itinere iam narrabantur, comode recipi posse putaret. demum Illustr. Ducem Curlandię



landiæ Fridericum, qui ante biduum cum in castris apud Iszkiel fuisset ex composito in eum locum se venturum promiserat, ibidem præstolaturus erat. Sed antequam loco progressus exercitus esset, en legiones aliquot hostium castris appropinquant, & in custodiam incursant, vnumq; de excubitoribus abducunt: dum hic rumor castra inuadit, exemplo classicum canitur, omnes è nutu Ducis pendentes equos conscendunt. Missæ aliquot in sequutū Centuriæ, hostem represserūt: Captiuus nostras de paucitate exercitus nostri, & alia prout se res habebat Carolo exponit. Sequentē itaq; diē, qui D. Stanislai peruigiliū erat, Dux noster castra, instructis, vt ad prælium aciebus, ad locum prius intentum promouet. Sed quia ob densitatem sylvarum, & viæ angustias, instructæ acies ire non poterant, ordine tamen eo, quo quæuis legio posita erat, progrediebantur, ita, vt, si res ad manus peruenisset, suum quæuis locum in plano retinere potuisset. Præcessit euntibus Dux ipse, nihil de hoste asterebatur: cumq; iam ad Kirchholm peruenissemus, in loco qui campus prælij fuit, equus Ducis constitit, vt nec sæpius calcaribus adactis concitatus, pedem loco mouere voluerit. vnde tacita mente accepto hoc præfagio Dux, locum pugnæ deligit (is erat à sinistris ad ripam fluminis Dunæ inter colles è tumulis assurgentes, in quo, nonnunquam castra

castra fuisse apparebat ) castraq; metari iubet. Et quanquam animus Duci ad assignatum locum promovere exercitum fuerat, approbantibus tamen & suadentibus quibusdam centurionibus, mutato cōsilio, in eo loco perstitit. Dum castra muniuntur Dux, ad Illust. Fridericum Curlandiæ Principem, qui tum in arce sua Dalensi erat, mittit, atq; ipsi de loco castrorum significat: addit tamen, se ad locum assignatū ( qui medio milliari adhuc distaret ) castra promoturū. Postero die, qui Diuo Stanislao Poloniæ Patrono sacer erat, ipso dilluculo, dum res Diuina perageretur, per excubias, Sudermanus cū omni exercitu ad castra nostra, relicta obsidione Rīgæ, omnibusq; machinationibus, quas in urbem struxerat posthabitis, vim summam in exercitum nostrum ferre narrabatur. Et licet horum omnium Dux non ignarus esset, iamq; exercitum explicaret, à vigilibus quidam tamen adductus transfuga Polonus, qui in iuramentum coactus fidem suam reliquerat hosti, expressius de exercitu, de ordine, de multitudine sufficienter edocuit: idem quoq; tota nocte exercitū Caroli in sylvis errauisse affirmabat. Postquam enim pridie Riga recessissent temulenti, mero audatiam ministrante, noctem tēpus opportunum inuadendi castra nostra susceperant: sed vix sole iam exorto errorem agnoscunt, decimaq; diei hora cum suis signis in campos Kir-

cholmenses sese effundunt. Quos ubi iam in provinciu Dux Curlandię Fridericus adesse conspiciť; cum ccc. equitibus suis, Duna fluuio adhuc a nostris disiunctus, singulari, tum erga Ducem exercitũq; animo, tum erga Sac. R. Maiestatem, atq; Patriam, amore inflamatus, pulchris maiorum inistēs virtutibus, sui oblitus periculi, in rapidissimum sedat fluuium, atq; vadum à nullo antea cognitum, monstrante sibi quopiam fortuna oblato ruricola, in columnis, frustra hoste tormētorum globos spargēte tranat. Huius ad exercitũ nostrum accessus, quemadmodum omnibus multo gratissimus ob ausias vires accidit: ita miraculoso fluuij transitu faustum omen Diuini fauoris portendente, militũ animos erexit, & inuisitatā penē pugnx cupiditatē omnibus ingessit, ita, vt nemo fuerit qui multitudinem hostium extimesceret, qui victoriam æquitati non polliceretur. Itaq; Principis huius equites in ipsam Ducis nostri legionem sunt cooptati. Verum vt ex instructis aciebus, tam industria Ducis, quam virtutes militum magis elucescāt, hic paucis feriem exercitus subijcio. Tria Ducis ipsius vexilla equitum hastatorũ præfecto Vincentio Woyna, primum in fronte locum tenebant: peditum cohortes cum tormentis à lateribus horum adstant. In dextra ala Illust. Comitis Alexādri Chockiewicz Palatini Trocensis, equites cc. præfecto

Andrea



Andrea Młocki, & Felicis Niewiarowski centum lanceati ordinabantur. Sinistram vero alam Thomas Dabrowa cum cc. equitibus lanceatis tuebatur: à lateribus pedites erant. Auxiliares mediæ aciei fuere ducis Curlandiæ ccc. equites Germani præfesto Mathia Rekio: dextræ alæ, auxiliares: pars equitum Generalis ipsius, Marci Wielamowski, Piltinensium Nobilium centuria, Ioannis Sappæ ceterum equites hastati. Sinistræ verò alæ, fuere Gotardus a Vittingk Valterus Platemberg centuriones ambo, equitum Germanorum, cum suis centurijs, & Franciscus Kossakowski ceterum equitum hastatorum. Post tergum auxiliarum. dextræ alæ, Marcianus Giedroyć. Boruchowski, Sinistræ alæ, Machmec & Zacharias Scythæ, hastatorum equitum centuriones imminebant. Nouissima valida acies, ex equitibus cc. Theodori Lacki, constituebatur. Fines acierum voluntarij custodiebant. ad castra Ferentarij cccc. reliqui. Dum itaq; iam acies vtrinque instructæ essent, Hostis quidem, editiores camporum colles insedens, nos indecliui positos, tormentorum iaculis infestare, nec in planitiem decurrere audebat: quæ locum nostris utpote ad concurrendum ob ascendentes in altum tumulos, difficilem, Suecorum verò latibulis idoneum, ubi nux aduertit, tali arte, militibus prius insinuata, usus est. In morem fugientium acies or-

dinatas retrorsum agere, & iam ex toto illo spacio quod occuparât exercitus excendendo, terga dare suos simulat. Hostis quod iam animo præconceperat fugam nostrorum adesse ratus, nimis credulus, relictis collibus, in planum exercitum diffundit, diuisim tamen. Sinistrum enim cornu dux Lunenburgensis, veloci cursu primus gerebat, vt fugam (vt putauit) nostrorum præuerteret. Mediam aciem demittebat Andreas Linderson, dextrum cornu Mansfeldius ad castra nostra direxerat, cumq; propè esset, cccc. nostri, qui castris adstiterant Ferentarij, sese opponunt. Dux noster residuas hostium phalāges, cum iam defluxisse videt, militibus suis signo receptui dato, omnem exercitum in hostes conuertit, simulq; ter glorioso nomine IESVS inclamato, repetito cursu, ad eum locum vbi tormenta erāt, regreditur. Attoniti subito nostrorum recurso, hostes animo consternantur: in quos dux confestim, explosis tormētis. Summa vi inuehitur. diuisus erat fortuito exercitus Sudermani, ita, vt in medio (ob celerem descensum) intercapedo patens relicta esset. Prima ducis acies in pedites Cōtoferos impetum facit: eius pars, in Primipilos nunc, qui antea erant auxiliares hastas infigit. Pedites cum peditibus manus conferebant. In finistrum cornu nobrowæ, in dextrum, Palatini Trocensis, vnaq; Niewierowiana cohortes, inuehuntur.

In illam

In illam verò intercapedinem Theodorus Lacki cum quibusdam ipsius ducis equitibus & Sakcius Piltinensium equitum præfectus irruit. Reliquæ cohortes aduersum euntes hostes adoriebantur. Acerrima exoritur cædes, nō sustinet multitudo hostium, fortitudinem nostrorū, puruerulēta infugam terga insequentibus vertunt, dux ipse Sudermanus, qui primæ. aciei aderat, tertio vix hærens equo, periculum euitat: insequiebantur nostri ad vnum circiter milliare hostem. Tum spectaculum horribile erat, dum sequi, fugere, occidi, capi multos vulneribus acceptis miseram agere animam, repentes alios, & humum sanguineam mordentes videres, omnia hastis, telis, cadaueribus, constrata campis sanguine natantibus. Interfectorum hostium numerus nouem millium à vespillonibus censebatur: inter quos dux Fridericus Lunenburgensis, iuuenis animosus horribili morte maciatus reperi- tus est. Andreas quoq; Linderfon vir multis bellicis conatibus insignis, ibidem occubuit: alij complures melioris notæ Centuriones. Signa sex & sexaginta accepta, tormenta vndecim, suppellex omnis, quæ in Curribus erat, Carolina inter milites dirrepta. Captiui mille quingenti: Feminarum ingens numerus, quæ postmodum Rigam, citra contumeliam deduciæ, libere dimissæ sunt. E nostris verò de tam exigua manu, quorū nonnisi tria millia



erat, septuaginta tantū pro Patria pulchriā per vulne-  
ra mortē oppetiūere : ducēti circiter fauti, equo-  
rum tamen ingens strages edita. Hoc tam graui  
defunctus exercitus noster periculo, victoriā læta-  
bundus, triūphatori Deo, Diuōq; patrono sospi-  
tatori Patriæ, gratias peracturus Rīgim ad templū  
Societatis Iesv, confluerat, vnde ingens in omnes  
regni oras diffusa læticia. Elapsis per quietem ali-  
quot diebus, pars exercitus in hyberna missa, pars  
repetendorum stipendiorum causā in Lithuaniam  
secessit, tota deniq; hyeme Liuania pace fruebatur,  
neq; amplius post tātā cladē suorum Caroli ad-  
uentus in Liuaniam sperabatur. Interim Dux ad  
Comitia Varsouiam proficiscitur, quem plurimi  
militum, claudicantes, manibus mutilati, toto de-  
niq; corpore aduerso vulnera, imagines virtutum  
ac nauatæ operæ insignia, ferentes, vt in eo loco  
qui est amplissima penus honorum, Regni, digna  
virtute præmiā perciperent. Dux ipse tantæ ope  
Diuina, victoriæ autor, circumquaq; militibus ad-  
stantibus, vexilla, captiuos, in amplissima Senato-  
rum Ordinis Corona Regi offerens, similibus ver-  
bis est prolocutus. Auxilio Diuino, auspicijs Sacre  
tuæ Regiæ Maiestatis, hæc victoriæ tropheā deu-  
ctio hostē, Patriæ, tuo perduelli exiguo numero, sed  
magna virtute militū parit, ē tellure Liuonica affe-  
ro, & ad pedes Tuæ Regiæ Maiestatis, projicio &c.

Tum

Tum verò postquam signa & captiuos reddidisset, egregiam virtutem militum & accepta pro Patria, pro Rege, vulnera prædicabat, & Regi commendabat. Vbi inprimis ipse Dux tum verò cæteri milites singulari honore, à Rege cunctisq; Regni Proceribus sunt affecti, ac in spẽ præmiorum erecti. Inde solutis Comitijs, milites ad stationes stipendiorum recipiendorum gratia, sunt reuersi. In eunte autem eiusdem anni 1606. vere; quædam domesticæ dissidij faces, in Patria priuatis offensionibus excitatæ exardescere videbantur: toti etiam regno non leuè periculum allaturæ, nisi Diuina bonitas, ita iam desperatis Poloniæ rebus, prouidisset, Regisq; solium præsentiope firmasset. Hæc dum ita domi fiunt, minor cura Prouinciæ Liuoniæ habetur: milites residui, qui in Liuonia erant, emeritis stipendijs, ad alios, intra Lithuanix æconomias degentes, se adiungere. Itaq; rei benè gerendæ talem occasionem nactus Mansfeldius, cum destituta omni præsidio Liuonia esset, domesticorumq; dissensiones ipsi commoditatem porrigerent, colligere militem, atq; eum in Liuoniam, suorum cladem vindicaturus, ire, Duci per exploratores narrabatur. Commotus ergò Dux tali hostis proposito, petita auxilia ad Procere Lithuanix profiscitur; verum exiguam manum, ab ijs quibus periculum Patriæ, magis cordi erat, & peculium Li-

uoniæ indiscrimen veniens dolorem augebat, res-  
tulit. Illustr. Nic. Christophorus Radiulius Pala-  
tinus Vilnēsis cc. equites totidēq; pedites. Reuer.  
Benedictus Woyna Episcopus Wilnensis centum  
equites. Illustr. Castellanus Wilnensis Hieronymus  
Chodkiewicz centum equites, proprijs sumptibus  
conductos, miserunt: cum his in Liuoniam Dux re-  
ditum properabat. Mansfeldius iam tum grassaba-  
tur, atq; nullo resistente, in Liuania Episcopatus  
Wendensis arces aliquot munitas quidem, sed præ-  
sidio destitutas, surripuerat, videlicet Volmariam,  
Burtniki, Hermes, & alias. Interim Dux cum mi-  
lite exiguo peruenit Volmariam, in qua arce præ-  
sidiarij quamuis plurimi essent, nihilominus Dux  
fortunam. Æquo amicam ( quibus iurgia inter se in  
Liuania non inimicitias cum cognouisset ) tentare  
audebat. Noctu itaq; ( aduersariorum stratagemate  
vsus ) in insultum exiguam illam manum cum scalis  
milit. Captum est auxilio Diuino oppidum, sequen-  
ti luce arx in deditionem venit: præsidiarij omnes  
liberè dimissi. Aliæ postea arces sunt recupera-  
tæ, ita, vt nihil lucri eo autumno hostis reportaret  
& fortuna eos, quâ, absente Duce nostro, vsi sunt,  
audito cum strepitu armorum aduentante Duce,  
destituit & ludibrio exposuit. Et quia non omnino  
extincta periculi flamma videbatur, de eo Dux  
frequenter ad Proceres gentis referebat, nihil ta-  
men



men effecit, cum omnes in eo rerum statu essent, ut ignē domesticū fouerent quidā, quidā sopirent, ipse postea ad Comititia quæ Varsoviæ peragebantur, ut periculum Liuoniæ indicaret, atq; auxilia peteret proficiscitur: curam residui exercitus Generoso Andreæ Zborowski alta stirpe & virtutibus illustri consobрино suo demandauit. Cum autem Dux in Comitijis rem Liuonicam promouere conatur, nihil inter linguarum strepitū & intestina odia proficiebat, & quod maxime auersabatur iussu Regis ipse ad restringendum illud Patriæ incendium est coactus. Dum hæc in patria geruntur, Mansfeldius iterum collectas copias ad Veysteniū duxit, ut nemine extra propugnate, commodius Veystenio potiretur. At Zborouius excelsi animi adolescens, cupidus gloriæ, deductis ex arcibus nonnullis peditū subsidijis, cum cc. equitibus hastatis, ad exercitum hostium contendit, (sed neq; omnes quos accersiverat, in promptu adfuere) cum ducentis tantum, in syluis ab exploratoribus securitate itineris deceptus, in hosteni incidit, & impar viribus. Quid faceret! virtus fugam disuadebat, famaq; ad mortem dulcius propter Patriam per vulnera iter ostentabat, magno animo hostem est adortus. Incredibile memoratu quàm exigua illa manus exercitum hostilem duorum millium sustinet, penitusq; sustinisset, nisi Gallorum cohortes à lateribus, paucita-

tem nostram circumuenissent, & connixos distra-  
xissent. In eo conflictu, Zborouius tanquam fortis  
adolescens strenue pugnans, faucius ( qui vitam cū  
morte cōmutare maluisset ) in captium acceptus  
est. Arrisit tum fortuna Mansfeldio, ita, vt etiam  
Veystenium per insultum cohortibus Gallorum eò  
tempore ceperit : præsiarios omnes arcis in illa  
sua fortuna trucidauit. Inter eos fortiter pugnādo  
Capitaneus, Ludouicus Galsiewski & duo Ceturio-  
nes, nobiles Poloni, Ioannes Miodzianowski, &  
Petrus Bystrzycki occubuere. Elatus tali rerum  
successu Mansfeldius exercitum suum istinc, qui  
sex millium erat, Dorpatum promouit : In arce  
Dorpatensi veteranus miles Bartholomeus Wa-  
żynski cum cccc. peditibus à Duce relictus erat,  
( ad quem etiam se, ij qui cum Zborouio in pugna  
fuere multitudine hostium dispersi, receperunt. )  
Postquam Dorpatum Mansfeldiusperuenisset, be-  
neficio fortunæ ad Veystenium accepto tumidus,  
& iam illam deam in sua gesta iurauisse ratus, nul-  
lo consilio, nullo militari iure vsus, ( qui enim pri-  
us experiri iudicio quam armis debuisset ) præmis-  
sis igneis globis, ad incensionem instructis, facio vt  
in lepores strepitu, per locum vallo sublimi, & col-  
laterales turres, armatura copiosa munitas, cum  
scalis in insultum misit. Et quia fortuna non nisi  
cum iudicio idq; in rebus arduis, quæsitā foueat,  
in tali

in tali accessu, turpiter Mansfeldium deseruit. Insigni igitur hic clade accepta, ad castra sua recessit. moxq; deinceps, arctiori obsidione premere arcem & urbem cæpit, sed semper post casum meliora sperans in deterius labitur. Iam enim fossas aggeresq; & vineas exstruere, iam machinationes bellicas mænijs admouere, quorum impetu 50. origijs in latum excussis, e duabus iam partibus ciuitatis ad insultum audentiores in foramen mittit, quod & obsessis maximo periculo fuit: qui quandoquidē ingenium non profuisset, omnes constanter pro patria occumbere parati impetui hostium sese opponunt. Ex altera parte sæx populi, mulierculæ, minæ, erant. Non deseruit Deus pro cultu suo pugnantes, vires & animum exiguæ manui dedit. Cæsi hîc in foramine, à militibus; illic à sæmineo imbelli sexu ad mænia urbis, ubiq; constrata cadaueribus tellus albicabat: è nostris præter sautios aliquot interfectus nemo: incolumes victori Deo grates reddidêre. Posthæc Mansfeldius meliori consilio vtitur: infamiam quam apud Dorpatum contraxerat abolere volens, , vsitata celeritate damnum resarciendum sperans, equitum aliqua manu e castris sumptâ, relicto in castris præfecto Gasparo Matio Volmariam contendit: quò vbi peruenisset eodem quo Dorpatum modo, neq; edoctus, damno prudentiam, per insultum desilientibus ex



equis militibus, expugnare conatur. Sed virtute militum ( qui ducēti erāt: Præfecto generoso adleſcēte Volmaro Farēsbachio) ita reſſus & pulſus eſt, vt cū in ſcapula iſium accepiſſet, deficiente virtute & fortuna, reſceſſerit. Sub idem tēpus ad Dorpatum Vazinius in aggeribus ſoſſisq; obſidentium hoſtium, incuriam, & negligentiam in cubilia irreſſiſſe, proſpiciens, Generoſam nobilitatem, in eam occaſionem reportandi boni nominis, ſeſe proripientem, miſit. Quæ circa meridiem in caſtra hoſtium irruens, epulantes ac genio indulgentes, cædit opprimit, ita vt, ipſe Gaſpar Matius nudus penè, ſolūm talarem vento propellente interulam curſumq; iuuare, in proximas ſyluas profugerit, multis cæſis, caſtra accepta, & ſigna militaria ſex cum aliquot captiuis. Porro hic amiſſa quam quæſiuerat, ſamā Mansfeldius, Reualiam proficiſcitur: indeq; petita Inducias mittit, ſed quia Dux aberat, & Zborouius cui tunc res Liuonicæ commiſſæ erant, captiuus in Eſtonia detineretur, literæ ad propinquam Eſtoniæ arcem Fælinum delatæ ſunt, hinc ad Ducem exercitus Ioannem Carolum Chodkiewicz, qui tum Grodnæ, in perſoluendis militibus ſtipendijs morabatur remiſſæ. Dux poſtulatæ voluntate Regiæ annuit, ille tamen num hæc eſt Regio, omniumq; Ordinum Regni conſenſu concederentur, per literas inquit, ſed cum  
Auten-

Autenticum, tam à Rege ipso, quam à Senatoribus Regni ad Kalendas Octob. accepisset, quieuit. Iamq̃ tanto interuallo, incolis Liuoniæ intermissa pacis consuetudo redire videbatur: dum à vicinis nihil metuitur: milites inuicem ex Liuonia in Estoniam, & ex Estonia in Liuoniam securè commenant. Reualix, quæ est Metropolis illius prouinciæ, solenni ritu in Fanis grates Deo, pro redeunte exoptata in Patriam pace agebantur. Verum Māseldius breui, quas fraudulenter postulauerat inducias irritat, & collectis copijs contra iura gentum & omnem in rebus bello gerendis vsum leuis homo, immemor generis & familiæ suæ, cui fides data erat, inopinente, & securo Duce, ante vel post Kalendas Augusti, cum classe ducens numerolum militem ad Dunamundum appulit. Arcem ad hostium Dunæ, & ad littus maris, in ampla planicie sitam, aquis circūquaq̃ cinctam, vallo fossaq̃ altissima munitam, præsidij commeatuq̃ firmatam, ab homine quopiam, cuius nomen ptopter generis nobilitatem & maiorum eius egregia in Patriam gesta subiticeo, sed ab hisde genere timido neq̃ militari, precio emit. Sub idem tempus & Kokonhausium eadem fraude hostis occupauerat. Dum hæc ita geruntur, pax in Poloniam deliderata reuertebatur, & ignes diffensionis ad extremū sopiti videbatur, Lux cum exercitu, quem maiori ex parte

ære suo in negotio Regis conduxerat, ab ea æstate quæ fuit Anni 1608. ad fines Subſylvaniæ ſub Berreſtia in caſtris detinuerat, percitus his rumoribus in Liunioniam properabat : & antequam Dunamundum hoſtis accepiſſet ad arcis præfectum Dux litteras miſit, quibus bona fide, ſe, intra ſex hebdomadarum ſpacium illi ſuppeticas allaturum promittebat. Verùm ille hoſtium oppugnatione facile percuſſus, citra ullum periculum, venalem proſtituit arcem fidemq; prodidit. Dum hic de capto ab hoſtibus Dunamundo properanti Duci in Liunioniam rumor affertur, gravis eum mæror, ac totam Poloniam & Lithuaniam inceſſit: milites quoq; qui iam in Liunioniam aduentabāt, tali fraude commoti, eum induerant animum, vt, aut arcem recuperare, aut mori potiùs quam dedecus pati in votis haberint. Itaq; Dux ipſe vix traiecto Duna, relictis cohortibus quæ ſubſequebantur, ad arcendum, ſi forte immineret, à Curlandia, hoſtem, commiſſoq; regimine Illuſtr. Curlandiæ Duci Vilhelmo, qui earum numerum cccc. equitibus ſuis auxerat, & Rigenſium ſeptingentis peditibus adiunctis, ipſe Dux cum duobus millibus equitum, & trecentis peditibus recta Dunamundum verſus, cupiens thrasonicā ferociam Manſfeldij experiri, perſuaſus ſibi tali fortunio inflatum hoſtem, multitudinemq; exercitus ſui, quippè, cuius numerus ad octo millia accedebat, ipſum



ipsum in arenam descensurum perrexit: quo cum inclinante iam die peruenisset, velitationibus reliquum diei consumptum est, nox certamen diremit. Exercitus tamen instructus tota nocte prælium expectabat. Etenim Dux noster, hostem qui egregio externarum nationum peditatu valeret, nocturno tempore aliquid attentaturum sperabat, qui tamen nihil ausus est. Postera die cum in eo loco hostem ad pugnam euocare nō posset, acies instructas propius arci admouit, ita vt, globi è tormentis missi inter ordines acierum, frustra caderent: pro uocatus ibiq; per tibicinem ne latū vngue à muris hostis sese exerere audebat. Quare cum nulla spes amplius de hostiū ad præliū egressu fuisset, aliquot tantum inter velitandum cæsis, exercitum ad castellum Nouomolam dictum remouit, atq; illic duobus ferme à Dunamūdo milliaribus, castra metatus est. Verum breui illa castrorum planitie, ob frequentes autumnī imbres, instar paludis aquis cooperta, diutius sese continere nequiuit, quin exercitum fluuio Milgraph transmissio in commodiorem deportarit locum, in eoq; castra posuerit. Elapso breui tempore, delectos Mansfeldius ex gēte Germanica & Gallica, milites, cum aliquot schapis tormentorum præsidio oneratis, prius tamen exstruō in ipso Milgraph quo nūnā illabitur ostio, forti propugnaculo, iactis fossis & aggeribus, in excubias

cubias nostras immisit. Quod cum nostris vigilibus innotuisset, illico dux aliquot centurias, videlicet Samuelis Woltowicz Castelani Nouogrodensis Nicolai Hlebowicz & Gasparis, à Tizéhausen. (quibus Martini Giedroyz Capitanei Wilkomiriensis equites adiūsti fuere) aduersum hostes mittit, hi properantes (hostes qui etiā de aduētu præsciuerāt in loco ad vsus militares perquā cōmodo & munito, iā ordine stātes inueniūt. Ergo viuida vtrinque iuuetus, postquam se conspiciunt, nullis velitationibus præmissis, confligit: Pugnatum est strenuē nostri etsi pauciores virtute tamen superiores victoriā potiuntur: nihil tormenta quibus ille locus instructus erat offecere, octoginta in loco prælij hostes cæsi, in aquis multi submersi. Ex nostris vnus cecidit, aliquot sautij ad castra redibant. Interim Dux cum omni exercitu relictis castris, hostium vires eò confluisse ratus, in auxilium suis approperebat, sed redeuntibus ex conflictu sortis & rei feliciter gestæ exitum narrantibus, in itinere gratulatus est. Sæpius postmodum excursions, quibus Mansfeldius vexabatur ad arcem exercebantur, veruntamen nullo modo, iterum cōpiam pugnæ faciebat. Sub idem tempus dux partem exercitus, tam equitum quam peditum, ad oppugnationem Kckonhausij cū aliquot grandioribus tormentis mittit, quò etiam Mansfeldius Gallum quempiam virum strenuum & mili-

militarem, qui se arcem defensurum, atq; per integrum annum (erat enim copia præsidiariorum & commeatus relictis) retenturum iuramento promiserat cum viginti lectis militibus, dato certo itineris duce, miserat. Sed is ab excubitoribus captus, & ad ducem deductus omnia Mansfeldij consilia, quorum non ignarus erat, castrorum dispositionem, & secretiora mentis aperuit. Ex quo cum ita rem cognouisset, inito cum centurionibus consilio, pro concione militibus rerum gerendarum facilitatem, si consilium sequi vellent, ostendit. Quod ita omnibus, quibus cura nominis quam vitæ maior fuit, placuit, ut nemo, gloriæ cupiditate, pro patria, pro libertate, vitam pacisci paratus non esset, atq; si res ferret, pedes castra hostium inuadere auderet. Cum ita iam inter omnes conuenisset, idem Gallus qui iam iuramento fidem præstiterat, (quandoquidem & eorum Gallorum integritas qui fidem Sacræ Regiæ Maiestatis paulo ante secuti ad nos a Mansfeldio defecissent probaretur) cum aliquot equitibus explorandæ viæ causâ, qua commodius exercitus deduci posset, mittitur. Cūq; ad castra hostium appropinquasset concitato equo veloci cursu ex oculis sequentium se ad Suecos proripit, immemorq; iuramenti, iterum ad Mansfeldium profugit Ducisq; nostri de castris inuadendis propositum patefecit. Mansfeldius autem dein-

H

ceps



ceps vt à captiuis relatū est virtuti suorum munitiōq̃, & multitudini militum diūsiū, qualibet nocte ad naues, quæ erant in Duna sese recipiebat, in quibus reliquas noctes agens vitā tuebatur. Dux noster priore consilio ob Galli perfidiam minus succedente, aliam affligendi hostis rationem init: nimirum naues eius, quæ in Duna fluuio erant, disturbādi, aut cōburendi omnem indagans occasionem & modum: mox cum Primoribus Ciuitatis Rigæ cōmunicato cōsilio, aliquot naues pyritis ad bene incēdēdū, ingenio quorundā hominū, aptatis instruit. Sed primò vt artis effectus melius experiretur, aliquot schaphas vulgò Struhij, quæ in eo loco, quem ex vtraq̃ parte exstructis propugnaculis, tormētisq̃ munitum hostis habuit, mittit: quæ decurrētes omnem eius classem, ita nullo robore nixæ, dissiparunt atq̃ in fugam verterunt. Dux primo rerum dubiarum euentu fortunato lætus, illas easdem schaphas postquam remearunt ad Dunam amnem, deduci & versus hostium naues agi iubet. Nec frustra; cum enim pansis velis remisq̃ impulsæ, celerrimè defecerunt, ita hostiles infestant naues, vt aliquot, tormentorum fulminibus icte, vix iam, absorbente aquâ, à nautis in mare retractæ sint. Accepto Māsfeldius damno, & per exploratores suos, Ducis nostri intentum incendendi & conturbandi naues, expiscatus, armatas eas, & melius ad pugnam naualem

ualem præparatas, animo in deterius suadente, (& qui non nisi grauioribus edoctus iacturis primum sapere incipiat) ac nostratum ingenia, quasi naumachijs minus idonea contemnente, temerè nostrorū molimini exposuit. Interiectis autem aliquot diebus, naues cum pyritis affabrè instructis, secundis ventis ( præcedebant tamen eædem schaphæ ne stratagema apareret speculanti Mansfeldio præcursantes ) in ipso tenebrarum, & lucis confinio, multis nobis cum Duce successum speculantibus, aduersus hostium classem missæ sunt : quarum vna cum ad naues Sueticas accurisset, primæ omnium maximæ allisa, incendium immisit; præteriens tandem secundam, tertiam & quartam, viscoso ignem concipiēte bitumine incendit. Primâ vti maxima, ita omnium fortissima, quæ quadrigentos ferme, & triginta ænea tormenta ferebat, inflammatâ fragror ingens edebatur; cum incensa tormenta & pulueres quorū erat magna copia in nauibus instar tonitruū tonarāt & voces miserabiles auxilium frustra implorantes audirentur. Tali risus Mansfeldio constitit precio. amissis quatuor nauibus tota classis Carolina, quæ quadraginta nauibus constabat, pulsa in altum, vno a litore milliari, retrocessit. Atq; ita perterritus Mansfeldius confestim equitatum suum qui duorum millium erat, nocturno tempore Parnauiam misit. Id ubi per exploratores Duci signifi-

catū ē, mille equites q̄ hostes persequerētur, sumā celeritate expedit, sed hi ad fluuium Gauiam aduolantes, traiecisse Suecos reperiunt, ideoq̄ vltius difficili transitu prohibiti ad castra redierunt. Mansfeldius ipse adhuc in exstiuendo altero vallo ad Dunamundum immorabatur: ita enim maturabat opus, vt labore graui operarij trecenti fere examinati fuerint. Ita moles ingens intra decem hebdomadarum spacium, alta decem, lata sex cubitos, arcem plus mille passibus ambiens stetit. Hic mille præsidarijs relictis, commeatu amplo suppeditato, exustis propugnaculis, commutatis tormentis, cum reliquo milite pedestri ventorum tractu Parnauiam nauigauit. Frigoribus autē ingruentibus. Dux noster cum tot occasionibus quæsitum prælium non obtinuisset, militibus hyberna in Liuania assignauit, ipse quoq̄ in eadem Prouincia, mansit. Secutum tempus postea Comitiorum, quæ Varsoviæ celebrabantur: Mansfeldius qui tum adhuc Parnauix erat, Ducem nostrum ad Comititia profectum opinabatur. Sed prudens Dux aliud in animo gerebat, (negotium Liuonicum literis suis Regi trasmisit) quippe nulli militū cōsilio patefacto ipsis Bachanaliorum ferijs, quo tēpore homines prauo habitu, crapulæ, luxuiq̄ turpi indulgere soliti sunt, sobrietatis amans Dux, Patriæ inuigilans, laboribus affluens, exercitum ocingētorum equitum



tum, ducentorum peditum collegit: frigore nimium læuiente, exiguo viatico sumpto, quantum quilibet eques secum ferre potuit, declinans vicos, fugiensque rusticorum congressus, nullis ignibus usus, exercitum veloci motu Parnauiam ducebat. Cumque iam vno milliari ab vrbe abesset, cælo tenebrescente, nec quicquam hoste de aduentu nostro suspicante, medium noctis expectauit, eoque tempore milites ad ipsa mœnia accedere iussit: sed tum res ob paucitatem peditum non successit. Perspectio nihilominus ea nocte situ loci, accessu commodo, exercitum in syluas remouit: sed quia frigora intolerabilia erant, ideò compositi ignes, quibus sylua collucebat & fumus hostibus insidias prodidit. Oppidani tamen Ducem adesse cum exercitu non credebant ex arcibus vagabundos prædæ causâ milites excurrisse rati. Dux tota die ob detrectatum à peditibus opus sollicitus, vergente iam ad vesperum die, militum animos, exatlatorum laborum, pietatis in Patriam, religionis erga cultum Diuinum, commemoratione & gloriæ dulcedine ad pulchrum facinus alliciebat. Assentiunt vnanimis descendere ex equis, ire in insultum, aut mori pro Patria, aut vincere parati. Hæc cum equitatus, pedites eodem ductu, obliti paucitatis suæ, incensi, magnum animum gestantes ausus suos similibus pollicitationibus Duci obtulerunt. Fit interea alacris omnium

præparatio, Itaq; alterius noctis horâ circiter duodecima implorato pri<sup>9</sup> celesti auxilio tã pedites quã equites operi sese accingunt. Diuisus erat exercitus; Dux legiones in equis ad duas vrbis partes hastis demissis excubiarum aspectum fugientes progrediebantur. Tertiæ autem legionis equites Duce præcedente ibant, cū ijs Christophori Chodkiewicz Castellanide Vilenensis, generosi iuuenis vexillū aliud Benedicti à Vall. equitatus in societate periculi acceptus procedebat. Hos duo vexillapeditū Scotorum & Polonorum cum Vngaris sequebantur. Incredibile memoratu quàm subito nimborum densissimorum tenebræ cesserint & Luna ita copiosum diffuderit lumen, vt & facies agnosci & armorum fulgor à quouis conspici potuerit. Quod vel ideò Diuinum numen, præstitisse credimus, vt in maiori discrimine, maximum auxilium suum, nobis se præbuisse ostenderet: nam quamuis frequentia tela, in nostros mitterent, omniq; genere missilium hostes vterentur, nostri tamē quibusdā machinis, quas Pætardas vocamus, ad portam accedētes, applicatis eiciunt valuas triplices: irruunt cateruatim in urbē, pars ascendit & occupat vallum, pars aduersos vrget & obtruncat hostes, ascendentes quosdam arcis vallum, detrahunt. Deditur arx: Dux antequam arcem ingrederetur cum militibus ad Fanum Diuæ Virginis Mariæ sacrum diuertit, ibiq;

omnes lætum d. Ambrosij Hymnum concinentes Deo victori & triūphatori grates reddiderunt, Gratiæ deinde militibus à duce actæ, Insignis, exigua manu, sed magna virtute militum parta est tunc victoria. Ex nostris circiter viginti cæcidere, triginta fere sautij hostium plurimi cæsi: Cum dux intro duceretur ad arcem captiui aduoluuntur pedibus misericordiam implorantes, sed ille qua semper vsus est in uictos modestia, acceptis aliquibus in captiuos, reliquos vita & impunitate donauit, quosdā etiam in stipendiarios aggregauit: ciues vitam & religionem retinuerunt. Græx sæminarum honeste dimissus quarum plurimæ nobiles Estonenses Ducis iussu proprijs ædibus restitutæ sūt. Tali successu rerum vsus dux, nquo milite præsidia. trecentis uidelicet lanceatis, centum sclopetarijs equitibus, arcem firmavit pedestres: omnes qui in expugnatione erant ibidem relictī, commeatus quoq; quantum breui cō tempore comparari potuit supeditatus, reliquos milites in stationes suas dimisit. Totum illud itineris tempus, quod quinq; hebbomadarum erat in frigore intensissimo peregimus. Postmodum imminente Anni 1609. vere, vix aliqua à laboribus respiratione vsi, primò post pascha tempore, in eum locum, qui castris destinatus erat, conuenimus. Dux ipse ad hostium nunæ duo ex utraq; parte fluuij loca propugnaculis erigendis



gendis apta, deligit. Trans fluuium in loco, cui con-  
tignis Curlorum fundus est, Rigenſes compolito  
cum Reipub. ære, conſtruxerunt. Aliud verò cis  
annem in fundo Dunamundenſi induſtria ſua dux  
periecit. In. duna quoq; fluuiio tres bellicas naues  
totidemq; triremes tormētis onuſtas diſpoſuit. Ri-  
genſes in ſuo propugnaculo, proprio ſumptu quin-  
gentos præſidarios tota æſtate alebant, tormenta  
ex armamentario Regio ſufficientia habuere: alte-  
rum verò peditibus centum & viginti tuendum dux  
commiſit, ipſe verò ad caſtra ſe contulit. Interim ad  
feſtum Diui Ioannis Baptiſtæ Claſſis Carolina quæ  
46. nauibus conſtabat appulit. Dux vt ſolent ve-  
natores iaſtis in feram laqueis, (ſi hoſtis Dunam in-  
trare voluiſſet) ad propugnacula præſtolabatur, ſed  
ille tali Dunæ munitione cognita, nihil audebat,  
tandem retrorſum duſtas naues ad illud littus, cui  
imminet mons Pontificus direxit, & admouere vt  
illac Dunamundum irrumperet, conatus eſt. Dux  
noſter aliquot è proximò propugnaculo tormentis  
acceptis naues omnes cum detrimento hoſtis pro-  
cul in mare abegit. Dum ita Mansfeldij impediun-  
tur conatus, iterum naues, vnam quidem Pyritis  
inſtruſam, ſex autem alias cum tormentis, poſt  
aliquot ſeptimanas, ſecundo vento, ad veteris dunæ  
obſtruſos arenis meatus, vt vi obſtaçula penetra-  
rent

rāt misit: sed quam ille audaciam in adeundo litto-  
re, eandem in defendendo Dux in omnes conatus  
hostis circumspectus, adhibuit. Paratas quippe ha-  
bebat triremtis, tormētes munitas; dum propius ad  
littus accelerant ē triremibus tormentorum iaculis  
naues impetit ita, vt vna nauium icū quassata in  
profundum descenderit, reliquis nō sine detrimen-  
to recedentibus. Cum & hoc molimen Mansfeldio  
non profuisset, iterum fortunam tentare & nouo  
stratagemate vti decreuit: trabes videlicet oblon-  
gas mediocriter crassas frequentibus ex omni par-  
te præfixas acutis ferramentis, ita, vt in quamcunq̃  
mitterentur partem, hærent, & accessum præser-  
tim equitibus præcluderent, quæ quasi pla-  
tæam vtrinq̃ cingerent, collocare intendens, & ita  
fossis ductis, os veteris Dunæ quò comodius scha-  
phis commeatum in arcem importaret erat aper-  
turus. Antequā tamen id perficerent virum mili-  
tarem & nandi peritum ē nauibus, quæ ad quingen-  
tos passus à litore erant, qui auxilium afforre Du-  
namundensibus narraret, mittit, is postquā natando  
fluvi⁹ superasset ab excubitoribus capitur & ad Du-  
cem deducitur: ex quo de tali hostium consilio, etsi  
irritum & ridiculum videbatur Dux certior factus,  
locum illum fossis aggeribusq̃, positis tormentis  
muniuit. Quod opus hostis ē nauibus suis intuitus  
superfluo labore supersedit, nauibus in altum remo-  
tis,

tis, cōtra quas Dux tranquillo mari, tres triremes mittit: Incredibile dictū quā tota illa classis, à tribus triremibus graui iaculorum inflictu confecta, sine vllō nostrorum discrimine pulsa sit. Infectis itaq; ad Dunamundum rebus Mansfeldius Reualiam soluit, ibiq; collectio maiori exercitu, omnem militem Parnauiam deduxit, ac obsidione urbem & arcem ad littus maris in loco decliui sitam, cinxit, fluuius Parnaua, qui nomen vrbi dedit, ad mare ad mœnia arcis allabens planiciem, in qua ciuitas iacet hemicyclari circuitu claudit. Ab arce & vrbe vnde planum incipit, campus quantum mare ex vna, ex altera parte fluuius finit, protenditur, pinetis terminatus. Hic hostis castra sua, à mœnibus vrbs mille passus locauit: vtramq; castrorum partem, quā Parnauam & quā Riga spectant fossis duobus cubitos altis, in longum ductis sepsit, aggeribus clausit: ad ipsum verò maris littus, vbi ageres delinebant, Propugnaculum eminens quadratum cespite intertextum exerebat. ex opposito propius urbem aliud ex pluteis corbibusq; contextum erat: ad ripam fluuij versus syluam tertium: e regione huius quartum ex cespitibus pluteisq; cōgestū erat: quatuor minora in medio campi, aggeribus fossisq; munita cernebantur: Inter illa duo ad littus maris per planitiem, aduentus noster expectabatur, ideoq; trabes per medium infixis hastis hærentes, quæ vadum impenetrabile redde



redderent collocauit, atq; hoc pacto vnam vrbs partem nobis obstruam voluit. A veteri autem Parnauia, ad ripam fluuij propugnaculum vimnie cespite, pluteis & corbibus firmatum ædificauit, in quo præfidiarij ferme ducenti, quinq; tormenta, ex his duo maiora, erant. Huic oppositum in ostio fluuij Luba, qui in Parnauam amnem sese exonerat aliud Propugnaculum statuerat. Quæ omnes substructiones egressum ex vrbe nostris præcludebant. Atq; dum hoc modo Parnauiam obsidet Mansfeldius post breue tempus, tubicinem ad præfides arcis, misit excidiũ nisi se dederent minitans, iterũq; per literas hortatus, responsum accepit: Non ad Dunamundum rem Mansfeldium habere, neq; cum eiusmodi, qui minas eius extimescerent, quinimò oppugnationem expectare, mirariq; diuturni temporis ocium. Nobilitas enim auitis clara virtutibus, mori potius quàm arcem prodere elegerat. Permotus tali respõso Mansfeldius amplius misitare non audebat, sed obsidionem continuandam, fame nostros in deditionem cogendos statuerat. Rebus ita ad Parnauiam stantibus, Dux sub Dunamundo exercitu in castris relicto, ad Serenissimum Regem Sigismundum petitum auxilia Vilnam proficiscitur: sed exiguis impetratis ad castra reuersus est. tum ob paucitatem exercitus maxime, peditatus ex Polonia confluentis inopiam, tum ob arctam Parnauix

obsidionem, cui commeatum defecisse intellexerat, anxius: Diuinæ tamen misericordiæ & bonitati, præsidumq; fidei toties spectatæ negotium committebat. Interea temporis pedites ex Polonia veniunt, præterea equites & pedites ab Illust. Nicolao Christophoro Radziwil trecenti missi duce, filio Illust. Alberto Radziwil, ab Hieronymo Chodkiewicz Castellano Vilnen. centum pedites iam aderant. Collecto itaq; quatuor ferme millium exercitu, relictis in castris nongentis, ( quibus postea Illust. Ducis Curlandæ Friderici vexillum equitum Germanorum, & aliud Piltinentium Nobilium, & tres circiter Decuriæ, hastatorum equitum Adami Talwoysz, cum filio Nicolao Talwoysz accesserant ) in subsidium Parnaviæ Dux proficiscitur. Porro nõ minori erat curæ Duci Parnaviæ obsidio, quā Dunamundi recuperandi negociū, qui maxime, ne mari suppetias hostis afferre conaretur, arcu metuit: castris nihilominus instructis, ipse cum exercitu qui ferme trium millium erat, Parnaviam iter suscepit. Mansueldius & duentu Ducis cognito, cum iam medium itineris superassemus, in locis ad insidias aptis missitando militem sub exercitum nostrū, transitum impediēbat, cumq; iam ab vrbe Parnavia sex milliarium interuallo abessemus, ad vicum Resticulam, in loco, præter quem nullus commodior, in illa sylvarum densitate erat, castra poni iussit: quæ

quæ perexigua erant propter cætera ad Dunamundum impdimenta relicta. Mansfeldius quoq; non procul ab eo loco cum exercitu suo vt, captiui retulere, erat, & mero militibus propinato tenebras commodissimum inuadendi castra nostra tempus, expectauit. Vix tantum temporis elapsum erat, quo arbusta circum castra humi hærentia (obstacula à Duce prudenti præuisa) excinderentur; exiguus enim erat campus, quem ad læuam amnis saxosus alluebat, vndequaq; ingens sylua. Cumq; iam in occasum sol properaret, excubiæ permutantur, & ad insidias struendas pedites ducuntur quidam, quidam ad amnem in decliui loco, quâ hostis expectabatur cum tormentis à Duce ponuntur. Visum interea erat annuente Duce militibus, qui iam serum diei in aciebus ordinati peregissent, fessis diurno nocturnoq; itinere equis, nonnihil leuaminis impertiri, rursus verò iminentibus tenebris in ordinē redire, & ita si forte inuaderet, hostē præstolari. Sed ecce, nondum rebus ita stantibus, tenebras & omnem apparatus, subito tota vi sua castra nostra hostis irrumpens, anteuertit, sed quia in pedites & tormenta incidit, à castris arcebatur, audentiores tamen quicumq; in castra penetraissent à calonibus & à lixis cedebantur. Dux consenso equo, per castra curritans pedites reliquos, quâ irruptionem



verebatur submittebat, interim equites, prudentia sua, forti nec in trepido ad omne periculum animo, ordinabat, & intra aliquot horæ minuta, aciem instruxit. Pedites itaq; illum impetum hostis sustinere: ex equitibus, præter duos Farensbachios Vlodimirum, & Ioanem, illum Gallicarum cohortiû præfectum, hunc equitum Germanorum Centurionem, nulli cum hoste congregiendi copia fuit concessa. Sed omnes tum propter angustias loci, tum etiam propter insidias nocturnas in acie, omnes in frontem vndiq; instructi, totam noctem insomnem duxere, peditibus in loca insidijs suspecta retentis. In illa tamen tam acri pugna, quæ tribus noctis horis durabat, à peditibus & paucis equitibus repensus hostis, in turpem fugam ad strepitum foliorum contremiscens nemine insequente terga vertit. Cæsi ducenti circiter, capti aliquot, signa militaria quatuor accepta: è nostris præter tredecim cæsos viginti & aliquod sautios, reliqui incolumes. Postridie, ad meridiem cum iam Dux exercitum recta Parnaiam promoueret, exploratores indagandæ viæ causa missi, accurrunt, de insidijs ab hoste structis deq; obruta succisis arboribus viâ, narrant. Mox exercitum Dux cohibet, consilium à præfectis equitum, quid in tali casu faciendum esset explorat: Tandem visum erat, eadem qua venerant

viâ, exercitum præmissis impedimentis, quinque  
milliarium spatio, eodem serò iam die retrahere,  
atque ita fugam comminisci. Sequenti luce ex eo lo-  
co, ubi pernoctarat, misso prius obsessis de rerum  
progressu nuncio, viam Felinensem arripuit. Hostis  
in fuga nos esse ratus, uti vestigia etiam retro con-  
uersa ad quatuor miliaria præseferebant, ouans,  
ad sua propugnacula redijt, simulque ad obsessos de  
strage & fuga nostrorum reuert. At generosa nobi-  
litas quæ in arcis præsidio erat, nihil eius figmentis  
commota, eò alacrior esse cepit, atque grauius ho-  
stem, excursionibus premere. Sub idem tempus  
Propugnaculum hostium ad amnem Lubam exstru-  
ctum, incendio tollunt. Interim nos per loca, ab-  
dita & perquam transitu difficilia, itinere aliquot  
dierum accumulato, insidias euitando pereximus.  
Quod ubi de nobis exploratores Mansfeldio signi-  
ficant, aliquot militum cohortes insidiandi gra-  
tiâ ad templum Diui Ioannis, locum insidijs idone-  
um, præmisit. sed Ducem latere non potuit, quin  
viâ quæ ad Lode ducebat relicta, aliam à dextris  
fisciperet: aliquo tamen equitatu qui eluderet ho-  
stem misso. & licet per loca paludosa, inuia, & tra-  
situs difficilia eundum erat, tamen difficultatibus su-  
peratis, viam Abselensem attigimus: sed quia im-  
pedimenta nostra itineris molestia impedita tardè

fuisse-

subsequeretur, & equi absq; pastu & nos absq; cibo duos dies grauē inedia sed etiā pluuiæ iniuriam passi sumus. Tediosum nimis erat militibus iter, clamores & querimonix in Ducē properantem ferebantur. Ille omnium patientissimus properabat, vt quam ocysimē veterem Parnauiam perueniret & propugnaculum (antequam hostis aduentum cognosceret, expugnaret ac omnibus obstaculis solueret. Iam vltimis duobus viæ milliaribus, ex eò loco vbi pernotatum est, vigiles præmissi in viginti Suecos palantes casu incidunt, duos tantum viuos reliquis interfectis, ad Ducem adducunt: ex quibus cum formam & præsidia Propugnaculi cognouisset, eo die, (etsi ante vesperum peruenisset) ab oppugnatione abstinuit, interea peditibus lassis tempus quiescendi concessit. Postera die auxilio cælesti munitos in insultum hora diei nona matutina misit. Pugna vtrinq; acerrima fuit, nam & præsidarij obstinati, per tubicinem moniti, vitam potius quam deditiōem offerebant. Expugnatum tamen est, omnes trucidati, e nostris cæsi septem: peditum centurio Ioannes Przeczyszewski dum strenue suis præit occidit: plures quam viginti sautij, reliqui incolumes victoriam obtinuere. vexillum vnum, tormenta quinq; ex his duo grandiora, accepta sunt. His ita a suis Luba fluuius tranandus erat vt eo citius cum hoste decerneret, iam forte hoc Mansfeldius præsentiscens  
omni-



omnibus illis suis propugnaculis desertis, è castris excessit Parnauamq; fluuium traiecit. Dux exstru-  
cto interim in Luba ponte, aliquos ex equitibus, qui hostem prouocarent misit; sed quia pauci nostri in eam velitationem præcessissent, pedites quoq; si forte illi non sustinerent, in subsidium & insidias, fluuium traicere iussit. Igitur multitudini Gallorum à Mansfeldio missæ cedunt nostri & lento gradu eā sustinentes ad pōtē deducunt: proripientibus se ijs, qui in auxilium suis destinati erant, & contra hostē, contendentibus pons subsidit, ita vt vno submerso, reliqui vix periculum euaderent: vnde qui hostem primò sustinuerunt, non nisi peditum auxilio fulti erant, è tormentis etiam & bombardis emissā iacula hostem reprimebant. Equites demum per vadum amnem superantes, Phalanges hostium, in fugam verterunt. Eadem ergo nocte Mansfeldius vbi pontem & vadum, quā nostris contra se accessus patebat, aduertit, per loca paludosa ad munitissimum locum, exercitum suū deduxit, ibiq; à tergo vno à castris nostris milliari sua metatus est. Certa spe Dux futuri conflictus, cum animoso milite tenebatur, Et quamuis maxima fame inediaq; iā multorum dierum pressi milites, vnanimiter tamen sentiebant eum tenere locum, qui commodissimus ad prælium visus erat, vtpote per planitiem oblongā, à sinistra, mari; a dextra manu amne circumuectus

& rutilantibus pratis virentem sinuatus : sed in eo loco duas ferme hebdomadas expectantibus nō audebat se se opponere hostis. interim commeatus aduehebatur, quo prouisum est arci, tum Dux castra sua ad viam Parnauensem, qua nobis primò euntibus accessum, hostis prohibebat, transfert, atq; vnus miliaris interuallo ab vrbe Parnauia metatur. Dux & quamuis in eum locum commigrasset, in omnem tamen hostium motum diligenter excubabat, & longam trahentes moram, suos milites qui lacefferent misitabat. Sed cum illi latibula potius quàm certamen spirarent, relictis in vrbe præsidarijs sexcentis peditibus, & quinquaginta equitibus, sequenti luce castra versus Dunamundum promouere constituerat, abiturumq; præparabat. Cæterum eodem die perfuga quidam mille peditum accessione, Mansfeldij castra aucta esse, sed nō animum edocet, idemq; initum ab hoste consilium, itineris ad Dunamundum cum omni exercitu suscipiendi ac succissione arborum in locis transitu difficilibus cursum nostrum retardandi, quo maturè subueniret arci, aperit. Postquam hæc Dux noster cognouit, statim impedimentis præmissis, ipse sera nocte relictis in loco castrorum ignibus cum exercitu secutus est. Et licet densissimis nox illa horrida tenebris pluuiaq; molesta maximò nobis loca illa tetra & aspera superatibus, fastidio esset, maximam tamē tunc.

tunc angustiarum viæ partem cōfecimus, reliquum sequenti die exauſtum eſt: lento gradu deinceps vſq̃ ad ipſa ſub Dunamundum caſtra peruenimus, vix hīc dies oſto quieti ſunt dati, quibus de hoſte nihil audiebatur, cum ſubitò exploratores de aduentu Mansfeldij nunciant. Res ea cunctis mira accidit, quod āte in eo loco commodiſſimo, cum exigua & feſſa noſtrorum manu congregi non auderet, hīc vbi mille & ducenti nobis in auxilium acceſſerint, & vires redintegratæ eſſent (nam licet equites firmiores fuērant, pedites tamen, qui non ſolum longo itinere feſſi, ſed etiam fame conſecti erant, qui tribus hebdomadibus abſq̃ vlllo panis vſu, rariſſime, ſi quando interciderent equorum, carnē veſcentes, acinis ſorbi ſolum & alio fructu, acido ſylueſtri vitam ſuſtentabant) prælium quæreret. Itaq̃ cum id primo incredibile videretur; Dux Koſakos explorandi veri gratiā miſit, qui redeuntes captiuos Duci adducunt, ac rei dubiæ fidem faciunt. Ergo ad arma conclamatur: ea quæ vſui forent neceſſaria parantur. Atqui iterum exploratores hoſtem ad Gawiam fluuium perueniſſe ſignificant, & à caſtris non niſi duobus milliaribus abeſſe. Egre diuntur itaq̃ noſtri, obuiam properant hoſti, qui tamen eo die nihil attentauit ad Gauriam moratus. Omni interim indagine diſpiciebat vtram Dux noſter arriperet viam, eamné quæ ad caſtra, ex quibus



conceſſeramus duceret, an quæ pone littus maris Dunamundum ſpectaret. Si caſtra à direptione tueri vellet atq; illud iter teneret, ſe reſciã eo ad Dunamundum irruptionem facturum cogitabat. Dux ad omnes hoſtis conatus intentus, eodem vespere omnem exercitum ſub montem Pontificium, ad littus maris promouit, & tota nocte inſtructis aciebus hoſtem præſtolabatur. Poſtera die ad velitandum miſſi, captiuos Duci adducunt, hi omnes hoſtem ferro decernere paratum aſſerunt. Vnde ſummo diluculo, velitum duo vexilla, tertium equitum Germanorum in eum locum, qui pridie delectus prælio erat, præmiſit, vt à caſtris prædas arcerent, & de hoſte quò ſe verteret ſignificarent. Interim conſpiciebantur hoſtium ſigna nigreſcentia inter pineta, nunc hac nunc illac, curſitãdo tergiuerſari videbantur. Dux noſter eundem locum retinebat, veritus ne hac ad Dunamundum penetraret hoſtis, & licet caſtrorum iaciura maximam adferret ſolicitudinem, hoc tamen minus malum eligendum putauit, ſatius, quam viã ad Dunamundum aperta, grauius incurrere. Cum itaq; ad caſtra hoſtes irruere dicebantur, ſeptem vexilla equitum ( Illuſtr. Friderici Curlandiæ Ducis, nobilium Piltinenſium, Gaſparis à Tyzenhauſem Benediã à Vall. Valteri Platembegk. Wlodimiri & Ioannis Farensbachiorum) tum Germanorum, tum Gallorum præſidij gratia miſit, hi cum

hi cum ad castra aduolant, tribus primo signis præ-  
euntibus, hostem ad portam castrorum conspicati  
reprimunt; acriter utrinque concurritur: sed quia  
multitudini hostium resistere non poterant, cedunt,  
in campum à residuo hostium exercitu procul, qui  
in collibus ante castra cum Mansfediō manserat  
plus mille quingentos passus abacti: erat hoc com-  
modo quod casu fiebat. Dux noster suis ita elusis  
opitulatur? octo vexilla equitū, hastatorū Theodori  
Lacki Thomę Dābrowæ, Alexātri Holowczynski,  
Nicolai Hlebowicz, præfecto Gasparo Piotrowicz,  
Ianusij Kiszczę. Andræ Wollowicz, præfecto Ioan-  
ne Paplinski, misit. Sed quia paludes rectā transi-  
tum præcludebant, quidam summo conatu per illas  
palustres lacunas, ac hirtos saltus perrumpebant,  
quidam flexuoso calle circumibant: illi qui numero  
pauciores, scilicet trecenti, superata paludē in pe-  
dites contoferos (qui in difficili ad incursum equo-  
rum loco conglobati erant) incidunt & trecenti in  
septingentos animosē impetum faciunt. Sed ter in-  
uecti, ab hostibus ter reprimuntur, donec tandem  
Mars æquitati cederet palmam, ac in perduelles  
frustra, renittentes contorserint hastas. Alij vero  
tardius quidem aggressi, non minus tamen validē  
cum equitatu conflixēre. At vero illis duobus exer-  
citibus, quibus ipsi præerant Duces, uter prius lo-

cum desereret, maximè curæ fuit. Mansfeldio Dunamundi retinenda possessio, potiør erat: quam suorum ad castra nostra strages. Qui enim ad Parnauiam quoq; minus prospere dimicasset, nisi Dunamūdum nouis auxilijs stabiliret nequaquam Sudermano operam suam probauisset. Quare omnes adhibuit conatus ne tam nobili spolio exueretur. At Dux noster hostis arte perspecta, contra audentior ibat, ita vt quocunq; intenderet hostis obuios habuisset nostros, qui tamen rem vniuersæ dimicationi committere non ausus, à nostris incertamen deduci non poterat, machinarum solum iaculis nonnihil detrimenti accepit. Interim illi milites qui ad castra rem strenuè egerunt, ac hostem profligarunt, quibus virtus victoriam & gloria vires dederat, non illa cæde satiati in ipsum quoq; Mansfeldium, quandoquidem & faciliorem & propiorem aditum habuère hastas vibraturi effuso cursu ferebantur, Dux quoq; noster cū exercitu per paludē eodē, nitebatur. Sed ille virib⁹ diffusus fuga sibi cōsulēdū pedibusq; salutē quærendā censuit. Insequuntur nostri, ita vt die deficiente, cædes iuxta ac vires fessæ defecerint, vnde reuerſi ad montem Pontificum, ( ne hostis noctu mari vltimam tentaret belli aleam ) excubias egere. Multi tunc mortalium miserando immolati letho. Præsertim ad castra, qui locus à leuā manu, eminētiore colles habet, quos præteriens amnis alluit, à  
dextra



dextra paludes inhærentibus arbuſtis, planicies qua  
itur Riga in longũ inter lacum, & paludes protēdi-  
tur. Vbi ſeptingenti pedites lanceati, omnes in  
vno prælii loco cecidēre. ex equitibus trecenti fer-  
me trucidati ducenti capti, ſigna militaria, 12. tor-  
menta omnia quæ hoſtis habuit accepta ſunt. E no-  
ſtris viginti & aliquot pro Patria nobilem oppetiēre  
mortē, ſeptuaginta ferme vulnerati. Poſtridie quæ  
omnibus poſt victoriã lætiſſima ſolet eſſe, Dunamũ  
denſes qui tanquam è proſcenio è mænibus exitum  
tragædiæ illius ſpectabant ad Ducis miſericordiam  
ſeſe cōtulēre. Quibus Dux ſolita ſua modeſtia, da-  
tis conditionibus quibuſdam, benignè indulſit. Ita  
arx fortiſſima, quæ nullius hoſtis vim extimuit, do-  
lo amiſſa ſanguine recuperata eſt. Vltima hæc  
Decennalis laboris in Liuonia ſuſcepti ſcena, felici  
exitu eſt terminata, quando omnes Liuoniæ arces  
( præter Propugnaculum Saltz quod hoſtis exſtru-  
xit & retinet ) Dei præpotentis clementia, Regis  
Sereniſſimi fortuna, Ducum fortiſſimorum Prudē-  
tia, militum robur ac fortitudo in primæuã poſ-  
ſeſſionem vindicatas, Patriæ  
aſſeruit.

LAVS CHRISTO DEO CVIVS  
vicimus hoſtem,

## Menda tibi sic emenda.

Imitabuntur, in præfatione, versa pagina imitabuntur. Moleraezeti, Moleraezenfi, Num.  
 mero 7. §. 24. eximbris, ex imbris Nur. 11. §. 13. astatis haltatis Num. 16. §. 7. uisq;  
 verisq; Num. 13. §. 6. fults fufis Num. 20. §. 3. monat noacerat. Num. 21. §. 6. deportetur de-  
 portatur Nur. 24. §. 24. commonita, communita Nur. 35. §. 3. Interfedoum, interfedorum.  
 Num. 41. §. 15. ostentasbat, ostentabat Num. 41. §. 23. Orgijs Orgijis Num. 47. §. 8. hostiū  
 ostium, Num. 49. §. 16. oxercitus, exercitus Num. 50. §. 26. Inhamata, inflammata, Num.  
 59. §. 17. tonarant, tonarent, Num. 59. §. 20. in exstiuendo, in exstruendo. Num. 60. §. 5.  
 szaiente, szuiente. Num. 61. §. 2. penetrarant, penetrarent Num. 61. §. 1. tormentes, tor-  
 mentis Num. 65. 4. irritem, irritum. Num. 65. §. 24. ageres, aggeres. Num. 66. §. 13.  
 traremtis, traremes Num. 65. §. 3.

REBOTE. UNIV.



BIBLIOTH. UNIV.



JACQUELLE





